


永新縣志

人物二  
紀事

五

地 2+3.45  
280.159  
34  
24





永新縣志卷之八

永新縣知縣 王

瀚輯



人物第八

列傳 文學

忠節 善行

義烈 隱逸

孝友 寓賢

儒行 列女

扶輿清淑之氣必有所鍾而地卽以人重永新谷  
涵川絡孕秀胎膏鬱為相鄉髦文攸宅憤而為潭  
中之瑰激而為軌上之血皆其文章理學漸薰  
陶有以致之也夫人有一行之善鄉黨且  
况愚忠愚孝出於天成於己所以扶明世教  
豈可為耳目淺常道哉前志於行詎踣絕者統為  
列傳不敢臆斷古人今仍冠卷首以俟

永新縣志

人物卷八

列傳

分類附之凡以為激勵久紀之一助云作人物志

列傳

五代蕭儼幼奇敏十歲詣廣陵以童子擢第烈

政授秘書省正字改刑部郎精研法比廬俊民石

冤徹儼齋戒禱神竟雪之遷司門郎中判大理獄

奏劾宣徽副使陳覺姦回亂政烈祖甚感悟未及

斥而薨烈覺始不自安稱疾累月未出及宣遺制

遽出儼劾覺端居私室以娛升遐請按其罪弗許

初烈祖相吳禁私買奴婢至是馮延巳與弟延魯

於遺制中弛其禁儼曰此非大行之命必延巳等



所爲者昔延魯有此請先帝訪臣臣對言陛下爲  
吳相時聞民鬻男女立出府金贖歸之故遠近懷  
德今臨祚卽反之可乎先帝斜封延魯章抹三筆  
持入宮此必尚在及索之果得遂擢給事中後主  
嗣位儼入白事後主方與嬖倖奕儼前請歛局後  
主怒曰汝訛與魏徵賢儼曰臣不能爲魏徵三下  
亦非大宗矣儼方直不阿貴戚歛衽後主力齊工  
景夬政群臣惟樞密副使魏岑查文徵得自目  
非召對不得入儼上疏極論不報後主於官中作  
高樓召侍臣觀之衆皆嘆美儼獨嘆恨樓下無井  
永新縣志

人物卷八

列傳

二

問其故曰以此不及景陽樓耳貶舒州觀察使孫  
晟防之以兵儼曰儼以諫諍得罪非有他志昔君  
欲矯遺詔使太后臨朝當此時社稷幾危其  
不重於儼乎乃今日反見防何也晟慙遠能之不  
平江南遂謝病不出年七十卒  
周彬自少刻厲誦讀不治產業其妻讓曰君兄弟皆  
以耕田致饒而君獨翫故紙取困耶彬笑曰農力  
田而士務學業各有職非爾所知也時南唐烈祖  
鎮金陵招致文士彬獻所爲文烈祖善之會禪代  
祀南郊彬著郊望論以獻辭指多所規諷署諸衛



巡官後以大理司直為永新邑令持法平直不阿  
民甚賴之秩滿郡疏留久任至歷七考遷尚書郎  
卒

李續字繼宗少不事生產專志儒業常讀書廬山學  
成遊建業會宋師南攻丹陽潤川節度使盧絳辟  
續掌記授宣教郎江南既入宋遂隱居不出其所  
學教授鄉黨郡倅溫仲舒向敏中慕其賢手勸之  
仕終不起年九十餘卒

郭鵬世業儒時南唐始開科取士鵬中第授揚子尉  
尋遷廬陵令轉大理屬曹與鄉蕭儼同按南平王  
永新縣志人物卷八 列傳 三

鐘傳夫人與僧姦事獄奏誅之人服其决子昭慶  
昭慶襲父業博通經史篤志力行嘗擬元經作唐春  
秋三十卷治書五十篇辭多援古諷今時周  
伐江步日燹昭慶獻經國論述沿江要害守禦之  
計元宗悅之授著作郎後江南附宋貢獻表章多  
出昭慶手人始有以窺其心矣

按昭慶郭鵬子省志載廬陵人恐悞今仍之  
宋尹承諤勅事南唐中主為衙將常陳便宜禁私謁  
後主時授本邑制置兵馬監押將士樂為之用及  
江南平首奉吉州牌印入宋授左侍禁太宗廟位



轉供奉官會計邊運頗能潔己奉公太宗嘉之令  
巡環慶奏商稅欺弊上因使按其事得吏盜官錢  
積計十餘萬緡死者二十人遂勅天下凡正官盜  
錢無問多寡皆處死法自承訛始也時稱為能吏  
段鵠字正己其先唐丞相文昌後文昌四世孫成刺  
吉州成孫翊仕南唐為永新令因寓家邑西鵠  
其裔也少師事廬陵劉諤為文博綜經義事詞有  
據登端拱二年第以大理丞判大名府甚為勤  
向敏中所知子惟億惟修俱先後登第惟億任靈  
山令惟脩慶歷中除殿中丞廣州倅經畧廣中兵

永新縣志 人物卷八 列傳

一事討儂賊征交趾治餉多勞績仕終通議大夫  
劉沆字坤之其先世景洪嘗有功於邑因名其北山  
曰後隆世傳其下有唐相牛僧孺讀書堂父字即  
故址築臺號曰聰明沆母憂衣冠丈夫稱牛相公  
來遂生沆生時出紫霧三日因名其地為紫霧源  
及長侗儻任俠多奇氣擢天聖八年進士第二人  
授大理評事通判舒州州有大獄累歲亭疑沆至  
立決之章獻太后建資聖浮圖內侍張懷信督役  
嚴峻州將移疾不敢出沆奏罷懷信遷大常丞直  
集賢院出知衡州大姓尹氏奪隣孤子田沆辯其



狀治之遷太常博士累陟三司度支判戶部同修起居注右正言知制誥署東部流內銓奉使契丹時契丹館伴杜防強沈酒沈拂袖起叱之廷議恐啓隣釁乃出沈知潭州改知和州召爲諫議大夫知江州時湖南蠻獠數出掠殺官吏以沈爲龍圖閣直學士知潭州兼安撫使許便宜從事沈一發兵至桂陽招降二千餘人已而賊復出襲殺守荆左降知鄂州遷給事中徙洪州還知審刑院改永興軍以龍圖閣學士權知開封府事數發隱伏權近畏避遂以尚書工部侍郎兼知政事進拜同

永新縣志

人物卷八

列傳

五

中書門下平章事集賢殿大學士上言近臣三弊多所中摘近侍頗不悅而仁廟益敬信之與文彥博富弼同心輔政會上不豫儲位未建三相皆禁中因請定國本以安羣志仁宗許之卒立英其隱功弘厚已元豐三年神宗覽故家裔臣奏思沈定策勛遂與彥博弼一時並加恩不以沈歿遺焉沈在相位僅逾年稍爲臺臣所攻乃罷觀文殿大學士出知應天府雖未久竟所旒然當時賢才多所薦引歐陽脩被讒出守沈薦脩唐史復得以翰林學士進用常勉富弼以盡瘁而期其大有所



振立彌終身德之以刑部尚書薨於陳州喪過國門仁宗製挽章以賜詔贈左僕射兼侍中追封楚國公謚文安御篆碑首曰思賢之碑子瑾孫備偁世居北山版塘俱先後擢第有聲

瑾字元忠沆冢子皇祐五年進士累官天章閣待制歷知瀛虔江福秦五州所至以能稱嘗築滹沱河竟事不自言功其他異政尤多

備瑾次子旣第以文章著名善書追法古賢文士身然宗稱之仕終徽猷閣待制

左書言其先潤州丹陽人祖鄴唐光化初宦衡州司

永新縣志

人物卷八

列傳

六

馬秩滿道經永新值時多故遂寓居邑逢橋家焉傳四世至孫顏擢第爲殿中侍御史書言顏從弟也繼登元豐五年進士任鄧州教授振學興材括廢田三十頃以膳生徒經術倡明士譽歸之後陝之平陸以寬得民蝗常過境弗入有詔褒嘉仕終朝奉郎監察御史慶延暮譽師召皆其族也慶延年十七登紹興戊辰進士秦檜欲妻以孫女慶延辭不就坐是久失調仕終承奉郎太學博士所著有澹軒稿胡應春序之曰觀其與晦菴書推明義理問辯反覆必極其底止乃已則所重當世不



但以文焉耳使得行其志見於事功其斥奸排佞  
震動人耳目豈止若辭婚權秦云爾哉邑宰趙奮  
夫亦稱其所上奏有羿丹之信不可渝女貞之暴  
不能从以爲當時確論卒从事益驗其議益足多  
矣

暮字元規以春秋三傳舉第開禧乙丑進士爲豪  
邁負志氣使金不辱於狄教國學能振士風嘉定  
己巳金人南侵以黃岡爲沿江要衝舉暮任廉察  
留黃十年虜不敢南窺後以淮西提刑朝散大夫  
直寶文閣卒改贈徽猷閣民思其遺愛至祠而望

永新縣志

人物卷八

列傳

七

莫焉有坦齋稱從弟譽以忠節著有別傳

師召登嘉定癸未進士爲人廉介靡阿比仕其操愈  
厲守新州郤船貢不收委公俸不取秩滿請祠主

管台州崇道觀

龍鐲字琢成乾德中任彬州守以仁廉爲政民感其  
德致群鶴來翔之異子暹雍熙乙酉宏辭科任江  
州司戶其裔孫德厚起嘉定拔萃科任翰林承旨  
出守潭州有善政端平間復以舊官召用

龍思其先鉅鹿人也唐末徙居永新數世至思祖衮  
嘗隱逸東山著江南野史思舉熙寧庚戌進士初



受學於臨川王文公嘗爲釋了元作書居藏記蘓長公稱其筆致超然大見推許時新法方行思上文公書力言其不便遂忤意出爲建昌戶曹承奉郎致仕後改宣義郎族裔溥焱升之先後以文學顯

溥三舍法入學再薦登建炎戊午第任道州江寧溥儒林郎會昌令時尉兵作亂溥惡其首論治之臺撫嘉其有應變才薦擢節度判官

焱思裔累世攻儒至焱益振起其業嘉熙丁酉進所著春秋三傳評授登仕郎誥詞以孫明復望之再

永新縣志

人物卷八

列傳

八

以所續唐書進上嘉其能扶正統得邵氏皇極經世遺意命加授廸功郎誥詞又以劉恕勉之用奏補選例仕新淦縣尉

升之字子崇博學好著述遊真西山楊東山之門兩試鄉漕舉陳愷帥九江重加禮聘任以事遂建永新城築之議邑民至今賴焉奏名調臨川戶曹京尹趙與權表監酒場嘗脩中興政要書成與權列薦循資授從仕郎除福建帥司節幹在幕修宋帝學增釋二百卷再循資轉儒林郎史館校勘改通直郎卒京邸姚希章狀其行與權取誥語表墓道



曰忠勤先生郡守李義山援陸象山例立祠於學  
宮祀之

尹躬字商老宣和三年進士廉介不苟阿始簿邑繼  
宰臨江之新喻禮耆老正風俗不畏強暴民有去  
思改江西憲屬央獄至吉水有繫逋賦千衆男女至  
共貫一索聞躬至密置他偏宇躬廉知盡令開釋  
之昕著有易解冬官解官終正郎

龍時蜚中紹興間拔萃異科授翰林供奉時權宰專  
政蜚衆中詆議之無少避拜給事中操秉愈堅後  
歷翰林承旨賜紫

永新縣志

人物卷八

列傳

九

張鋼字德堅登進士歷官靜江司戶廣州司理叅軍  
常德教授永平縣令福州通判還朝爲宗正丞出  
知彬州未赴卒積階至朝奉大夫鋼在靜江時靈  
川有殺人獄歲久尸壞不決鋼措其髮下傷立訊  
服濬渠爲陂堰溉田五千頃知永平善以威信化  
蠻獠創浮梁以濟湍險易鬼俗教之醫藥將代邑  
民及蠻酋相率詣帥守監司乞留馬在宗司大爲  
宗子姓敬慕改郴入對言薦舉不及廉靜善晁多  
出經營文體未純士風未篤詔書寬大而州縣侵  
漁戰艦蠹敝官祠泛濫民力征需弗支凡九事上



嘉納之家藏書萬卷捐金以梓謝尚書諤孝史又  
自類編宋列聖孝治一百卷表上之所著有橫江  
蕞稿子潞淵

潞字東之兩領江西漕舉繼國子監舉蔭授鄱陽簿  
改秩苑源宰擢倅八桂大尹尚書胡槻甚重之知  
昭州條奏便民三事悉施行民有去思仕至朝散  
大夫年九十卒所著有龍川集子楸

淵字明之力學有賦聲屢試薦首嘉祐間蔭補廸功  
郎開禧丁卯魁江西漕省初簿江華憲使胡玘羅  
致上幕京西帥楊九滂辟克帥幕既至漕使趙方

永新縣志

人物卷八

列傳

十

號知人首委以事後宰新建方時爲制帥復辟宰  
江陵終承議郎所著有東巖稿

張焞字晉叔德廣後裔有文武才連捷漕監丁未楚  
氛首出力募士衛鄉井復從將軍文信平寇鄭憲  
逢辰奏之授官使相呂文德留贊邊幕范殿閣文  
虎辟克殿西水軍統領兼臨安府鈐轄癸丑明堂  
大禮差克職事賜金帶晚歸益自謙抑恂恂不校  
與羣從弟子三百餘人論文稽古日相切磋以道  
義而已

楸字子脩少承家學歷官所至有能聲丞相吳潛薦



之朝景定庚子宰茶邑適衡寇竊發倉廩匱詘乃  
自捐貲糾壯士協官兵力守孤城以爲江湖屏蔽  
論功進秩奉議郎賜緋終朝奉大夫帥司叅議  
劉彥登字允升由舍選登進士嘗校文淮南得士獨  
盛後提兵討虔寇招撫餘黨艱境帖然仕終朝請  
大夫漢陽知軍所著有竹溪集

歐陽旻字彥昭隆興初試恩中第任新化簿有異政  
常著盡心錄以見志進承務郎致其事去時宰有  
與相友善者止之弗可乃遺書稱其高風足勵貪  
激懦其卒也胡忠簡公銓誌其墓

永新縣志

人物卷八 列傳

十一

胡幼黃字成玉咸淳甲戌進士第三人時伯顏會師  
南伐德祐嗣位坤幼宋取士止是科矣其榜狀元  
龍在澤次路萬里又次幼黃時有三不得之謠謂  
龍在澤飛不得路萬里行不得胡幼黃醫不得幼  
黃旣第授節度推官宋亡遂退居山中創讀書樓  
日呻諷其中元世祖用留夢炎等議令取在搜求  
宋遺士以聞龍澤起爲監察御史獨幼黃要其同  
榜士豫章熊朋來安成劉應鳳皆避匿不出朋來  
應鳳第幼黃後又聯名皆江右士也時論躋之  
元龍仁夫字觀復博學好古潛心理道深探濂洛關



聞之與經傳子史律曆陰陽靡不精究官湖廣儒  
學提舉屢典列省文衡所得名士甚多號一時龍  
門晚年僑居黃岡嘗與呂文煥呂氏諸子弟宴琵琶  
亭賦詩有江心正好看明月却抱琵琶過別船  
之句坐客皆掩泣罷酒其忠義之能激人如是所  
著周易集傳八十卷立說主本義每卦爻下各分  
變象辭占謂雜卦爲古筮書春秋傳所引屯固比  
入坤安震殺皆以一字斷卦義此類是也孔子存  
之以爲經羽翼初非創作其言蓋先儒所未發者  
鄱陽董真卿集周易會通於仁夫之說多取焉爲  
永新縣志

人物卷八

列傳

十二

文章與廬陵劉岳申並名而奇逸流麗過之學者  
稱麟洲先生

馮翼翁字子羽弟獎翁字子將幼受學於其父魯山  
魯山博通群書庭訓甚肅長又師劉水憲詣造益  
深兄弟同領延祐鄉舉人稱所居巷爲雙桂巷其  
後翼翁登第以科斗試賦擅聲授漢陽縣丞歷官  
撫州守所著有春秋集解春秋大義士禮考正性  
理群書十七卷通鑑小錄考索類要正統五德類  
要三十四卷古書正譌讀書纂要法家源流異政  
錄十一卷又合左傳戰國策史記漢書韓非歐蘇



八家爲文章旨要八卷所自撰詩賦序記銘贊雜著二十卷樊翁未第亦以文學與兄齊名魯山贈吉水州判官廬陵劉岳申誌其墓謂永新以三馮瑞其鄉翼翁子寅賓屬文蒼古峭拔書法清勁偏鍾王今有馮氏僅存稿蓋三世顯儒業矣

劉友益清江公非九世孫家貧力學嘗爲人傭書以給膏火或竟夕危坐默誦不少休積十數年經傳子史天文地志律曆象數靡不淹貫宋末兵亂友益中刀伏積屍中閱夕里人求獲負歸遇善藥得不死卜築山間不與世接著通鑑綱目書法五十

永新縣志

人物卷八

列傳

十三

九卷揭文安公序之謂昔之知春秋莫如朱子世之言綱目者非深知朱子意如朱子之知春秋者不能言能言未有如劉子綱目書法者也書法之作積勤三十年寸較銖評其微詞隱義不但啓千載之秘中益有亡窮之憂其志可謂達也已矣爲人外通內介神情瀟然年八十五卒揭公復爲之銘墓曰百圍之木不爲斧柯蹄涔之水不爲江河元有天下先生在野先生在野志在天下百世之上先生此心百世之下先生此心先生不作山高水深居邑西水窻學者稱爲水窻先生後門人賀



善隱居不仕嘗著綱目贊及書法序至今傳世  
吳師尹字莘樂登元進士授永豐丞大書廳事自誓  
不欺政化大行秩滿當去民歌之曰我有田疇我  
既治之我有徭役誰其除之丞哉丞哉豈弟父母  
更我戶籍免我荼苦子孫孫子與篋楚辭丞哉去  
矣如何勿思受代將行適歲大歉府檄如他郡乞  
糴師尹請之賴賴守重其賢爲出粟二千石助焉  
民賴以多活復攝廬陵鞠死獄釋良民之寃者六  
人後丁遷革之際歸隱連里之桂岡學者稱桂岡  
先生子勤仕明初有聞

永新縣志

人物卷八

列傳

十四

勤字孟勤其生也父夢紫衣人降其宅初元政日隳  
州里騷動勤列彈盜策上於守臣納速兒丁弗用  
徙寓洪都有薦於平章道童者勤辭弗往既明兵  
至乃欣然請謁其帥曰此真弔伐師矣署官泰和  
不就後以明經授武昌教授預纂脩高廟實錄留  
翰林力舉楊文貞公自代改開封教授勤一介不  
輕取予於學無所不究然非聖人之書不以教人  
嘗見學者玩太元斥之及自誦佛經學者疑以問  
則泫然曰此先夫人遺命也敢徼福耶紀善貝鞮  
聞之曰是固尹和靖故事耳成祖踐極以胡文穆



公光大薦其善書召見命書明御製永樂大典序  
例字幾萬餘勤神閉意定書至終紙點畫一無纖  
訛上大悅解學士縉嘗稱其書曰行草余或有少  
長至楷法不及遠甚尤工題跋有他人銳思取不  
能逮者所著有匡山六義鶴鳴等集子善存亦能  
世其業

明歐陽韶字子韶文忠公族裔洪武初薦授監察御  
史時明太祖皇帝威斷莫測日命御史二人侍班  
刑賞有失中不諫止則罪之一日子韶侍班上乘  
怒將戮一人他御史不敢前子韶趨進跪舉手加  
額莫知所措辭但連呼曰陛下不可不可天顏爲  
霽其人得從輕典後告老終於家

永新縣志

人物卷八 列傳

十五

張叔豫字順動鋼之裔也癸解江西第一以進士選  
翰林庶吉士與脩永樂大典大擅特名朝士多重  
之後出判安慶平權量禁奸蠹進諸生講學不倦  
居常蔬食無改禁垣清素郡人以張翰林呼之坐  
註誤得直命督工房山遘疾卒豫問學克瞻居家  
孝友平生不苟取予精易學鄉士出其門者皆有  
名於時又與李伯尚劉髦友善邑稱三君子所著  
有忍菴稿藏於家



唐仲安古竹人性剛介永樂三年以貢入城均會上  
臨雍問單于遺高后書史記講而不載漢書列其  
詞孰是仲安奏對稱旨御題天下善說書唐仲安勅  
懸成均特擢刑部郎中九年預脩高皇實錄父金  
章以子貴贈奉議大夫

張景良以書領鄉薦始為懷遠學教諭適成祖詔舉  
天下教官學行優者入試克皇大孫講讀官時延  
試五百人拔其雋得八人景良與焉授國子博士  
進四書直解仁宗嘉獎之授右春坊司直郎賜勅  
褒諭謝事歸省掃起為順慶通判時中官入蜀採

永新縣志

人物卷八

列傳

十六

辨以在東宮時嘗授學於景良乃取府所歛民金  
五百兩遺之景良受焉悉以還前所歛之民或難  
之日公為此孰若先拒之足全公廉名良曰斯皆  
吾民膏血也豈忍借是以沽廉哉言者愧服孫瑛  
以鄉薦教桂陽清介有禮風

李伯尚字尚翁介特有守通古文辭詩歌登進士引  
疏乞還鄉侍養人交賢之所著有清溪文集藏之  
家

劉髦字孟恂兒時即能通經史大義長益勵學嘗受  
易於廬陵謝子方子方太奇之既領鄉薦魁遂不



求仕寃心經術窮極洛閩指要以教鄉邑之來學者無不各成其材事母甚孝謹待寡女兄如母迎養從兄之無後者四人課耕自食環堵屢空泊如也歲饑疫民僵死蔽道髦率僮掩瘞時有達歸病劇者衆自舟舁棄里祠中髦遺以湯藥弗治豪有遺貨乃求識其人者歸之有李姓人冒爲弟取貨去因以殺弟誣其鄰指髦爲證被逮至傾產或嘆曰行仁義乃得禍耶髦笑曰事固有然者矣平居以聖賢爲師一介不輕取予學務躬行不事談說其於道德性命之際獨得其宗學者卽所居稱爲

永新縣志

人物卷八

列傳

十七

石潭先生所著有覆瓿集示兒錄易傳撮要行世髦四子俱仕顯而定之獨爲時名臣定之字主靜自幼天資絕倫書過目成誦父石潭先生自授以書不令作文字定之每私爲之一日偶病石潭往視之於簣間得所爲祀竈文及咏桃漿等詩心驚異自是稍敢以文進石潭歎其有八面受敵之才宣德乙卯領鄉薦明年會試第一廷試賜進士第三授翰林編脩正統己未京城大水詔求直言條陳十事其一言號令之出宜公正無頗賞罰必以信其二言公卿侍從宜時常召見以觀



其才能心術其三言降胡近見畿宜漸分移南土  
其四言宜以京官出任郡縣使民得蒙循良之政  
其五言宜倣唐制京朝官附在時舉賢良自代其  
六言武臣子孫宜習韜畧其七言守令選任宜加  
察其八言宜鋤富恤貧其九言廷臣遭喪宜令終  
制其十言宜遣僧尼奏留中不下歲已巳北虜犯  
驛景皇帝登極復上言十事一言戰陣二言守禦  
三言簡使臣四言遷降五言賞兵士六言守令七言  
選賢八言武臣濫爵九言總纜權綱十言經筵進  
學皆深切時宜上咸嘉納之壬申北虜遣使來朝

永新縣志

人物卷八

列傳

十八

因邀我使往報言官謂宜過絕之以防窺伺執政  
謂不往報恐開邊釁定之上疏屢千百言以爲宜  
暫遣使覈察之使我得益脩內治而徐爲之所是  
時朝廷方欲從言官議以定之言卒遣使定之凡  
三上疏竝存史局至今人誦稱之是歲陞洗馬丙  
子進右春坊右庶子天順下丑改通政司右叅議  
仍兼侍讀尋改翰林學士進太常少卿成化丙戌  
命主會試考遂入內閣預機務亡何陞工部右侍  
郎仍兼學士隨改禮部左侍郎兼官若故卒年六  
十一贈禮部尚書謚文安定之在內閣間上密疏



皆國家大計其開學自六經子史下至稗官小說  
釋老雜伎之書靡不周記成誦海內後先士博雅  
莫或及之其爲文數千百言立就雄渾瓌麗變化  
靡測雖機軸多出蘓氏父子而理道過之以是名  
聞天下擅一代文宗雖武夫悍卒亦無不慕傳焉  
所著有呆齋存續諸稿十科策宋史論行世

戴禮字本敬博學好古登進士上第上疏乞近地教  
職養母得衡州府學教授進士受教職者自禮始  
抵衡課諸生有成法嘗典浙江試并考禮闈竝稱  
得人陞代王府長史王導恣禮數以書諫不從則

永新縣志

人物卷八

列傳

十九

法其助威者久之王愈張甚妃及王子世孫皆逐  
外禮密疏論之上命世孫總府事築別第居王賜  
璽書嘉獎禮後歸赤貧躬耕有同傍士按部過其  
家禮方荷耒耜入門無沮色後卒門人鬻其書以  
葬族孫僖

僖字大節登成化丙戌進士拜南禮部主事陞本部  
郎中擢汀州知府汀民初經鄧茂七之亂株連多  
所誣枉僖力洗辯出之後以入覲卒於途汀民思  
焉僖嗜學工詩文未仕時故里中士多成材孫有  
孚文學負時名官鄭州守



劉儁字克彥後以字行第進士授監察御史陞按察  
僉事所至風裁凜然有接其辭色者邪念自消讐  
常稱學莫先於義利之辯毫厘千里舜跖之由分  
也吾黨時當以此自省惕致政歸確守清白澹然  
絕干請人品稱先輩第一爲文雅暢多古意所著  
有木菴集

江玉琳字正夫少貧弗自給事母節婦劉氏至孝常  
誨童子於鄉塾學士解縉過見大奇之薦補邑諸  
生有直指行部至縣拜謁先師不由禮玉琳庭  
糾其失召至試所業深獎異之及登進士授御史  
彈劾輒先權倖直聲岳岳振臺中尋陞按察僉事  
京師人追稱其風裁呼所寓巷爲江家巷云

永新縣志 人物卷八 列傳

蕭翼字體全登進士知潛山縣勤心撫字廢舉利興  
邑故無芋翼自鄉載芋教民種食民因謂之蕭公  
芋丁內艱歸父老遮道攀泣服闋改知長垣縣時  
黃河泛溢民舍漂沒十八九翼身先衆役築堤以  
捍河潰發粟賑其災二年民始定立廟堤上祀之  
秩滿入京乞留者數百人請弗可衆號慟而去冢  
宰王公直嘉其績超遷順德知府數月病卒行李  
惟琴一張



尹禮字內則以禮經登進士授監察御史巡按山東  
憲紀肅振時廷臣以征麓川大冒功賞禮上疏極  
言其弊丁內躉大臣薦起入京條陳八事皆切時  
務賜勅褒嘉尋陞河南按察副使卒

劉昇字幼顯居城東七歲能詩及長工古文詞總角  
赴鄉舉寧藩聞其姿偉召見問以經傳大義應對  
咸通析欲留賓館昇不可乃以官硯玉筆格贐其  
歸正統辛酉領鄉薦明年試禮闈不第居京開義  
館名士多出其門景泰辛未魁南宮廷試進士第  
二人授翰林編修性剛果不附人特邊餉告乏上

永新縣志

人物卷八

列傳

二十一

欲加賦昇率諸寮上疏願以本院官俸助餉憂歸  
都御史韓雍按部過其家咨邑利病人不敢干以  
私嘗署門云拙性憚煩客至休言公事夙心好在  
朋來但辯經疑其清脩類此釋服以疾卒人士咸  
惜之

李鈞字許國以進士授兵科給事中  
五事又極言三事中及寵璫牛玉忤上意謫綏德  
州判官鈞不鄙視其民出小學儀禮諸書教之俗  
以馴化適邊警芻糧弗給鈞從容措畫事集而民  
不擾陞荊門州同知遂不赴有綏德集若干卷于



輅能世其家學

左鼎字周器家貧好學敏悟絕人受業大學士定之  
父劉髦工舉子業及詩古文詞正統壬戌與從姪  
輔同第進士癸亥拜監察御史既乘驄風裁嶽嶽  
彈劾無所避久之與韓雍齊名京師謠曰韓雍才  
左鼎手鍊剛口天下無偶十三年巡按山西明年  
天子聽闍臣振言自將禦亂鼎聞星馳伏輦路哭  
諫不聽上納疏於靴中而去已而正統蒙塵景泰  
帝立山西值衝要地兵勢侵掠甚急時未僉督府  
三司以下皆魄懾鼎乃厲將士招民兵扼巖險塞

永新縣志

人物卷八

列傳

二十二

關隘謹烽火多間諜躬自登陴誓以死守山西恃  
鼎以不危景泰三年山東河南大饑命鼎分賑民  
以是得無孳還陳遵成憲裕財用五事尋又上脩  
政弭災十事皆切中時弊言人不敢言上嘉納之  
而選大臣一條當時執政滋不悅於尚書謙亦弗  
謙鼎以是久不調天順復辟追念勲績首召鼎至  
超拜都察院左僉都御史居五月疾不起上親顧  
問賜錦袍以被鼎體尋卒上痛哭遣官諭祭塋著  
有立齋文集傳於世姪輔後亦爲御史以抗疏謫

判泰州



劉敷字叔榮始受學於其叔善善由鄉舉爲工部事  
以抗中貴下禁獄後擢郎中著廉聲卒官不能治  
喪時議黜之敷舉順天鄉試登進士授南京監察  
御史巡江同差錦衣官校虐民奏革之平江賊有  
功陞湖廣僉事歲荒多所賑活歷貴州副使湖廣  
按察使起黜改福建按察使歷左布政使覲京值  
星變條奏十有二事多中時弊陞右副都御史巡  
視浙江時海潮暴溢敷禦治有方奏過中貴築海  
堤之擾復陳地方十事上皆嘉納之改撫湖廣以  
藩封營繕工侈奏定費式給直令自修遂著爲例

永新縣志

人物卷八

列傳

二十三

靖州苗亂勅進討破賊六百餘寨捷聞蔭子一人  
爲錦衣百戶轉左副都御史引疾歸再起進右都  
御史掌院事風紀肅然後以疾乞休有楮幣之賜  
敷爲人氣度弘厚其得君行志皆忠誠有以致之  
矣卒於家上遣官葬祭焉子裘從孫孔愚皆有聞  
於時

裘字延延性孝友嗜學不以貴勢自免登弘治癸丑  
進士時大臣多父舊交裘絕通謁之迹授行人勅  
遣東廣犒軍道卒

孔愚字可明弱冠以禮經魁鄉試念母李矢節侍養



十餘年不赴春官嘗受學王陽明嚮往得其旨歸後就教定海造士有方捐餼以資貧者兩典文衡皆稱得士擢寧遠知縣遷學厲士殄劇寇有功尋卒於官孔愚博學善詩文有蘅汀集

馬聰字體誓登進士授監察御史英廟回鑾疏請景皇帝避位謫處州推官決獄不泥成案盜聚銀場謀劫官庫聞其按部至遂迎於道聰從容省諭之反側以安撫按交薦其能後卒於官屬續書二言遺其子曰貲不必計饒乏惟其人之賢命不必論脩短惟其心之無愧於天其制行可槩見矣從弟

永新縣志

人物卷八

列傳

二十四

體乾

體乾以進士知靈璧縣陞御史疏論錦衣指揮門達之姦謫華陽陞同知黃州事懇疏乞歸薦紳士高之從子鉉

馬鉉字孔任號抑菴聰從子登進士授工部主事累官大僕司少卿在朝多所建白差管遵化鐵廠律身廉潔治事精嚴時役夫多疫痢公親治藥活之兵部尚書余子俊舉公才望奉璽書往同督餉上章言典兵柄者不得其人無以嚴武備司會計者不得其人無以克邊儲皆剗切中時急要又三年



遣往周府行冊封禮王遣世子受學奉表入謝以  
薦其賢上知其才特恩超選又上章言內臣權傾  
中外天下喪氣蓋指斥汪直李孜省之輩疏入上  
震怒逮獄大學士劉翊申救還職禮部侍郎丘濬  
贈言壯之有袖有匡君策囊無謁相書之句時有  
嫉其喜事者調廣西參議自將勦古田死於伏贖  
參政子效任衡州判有政績  
吳綽字主寬登進士授監察御史陞廣西按察副使  
進按察使所至吏不敢欺民以無冤宦止外臬人  
惜其不大寃於用云

湯清字汝正登進士授刑部主事遷員外郎陞湖廣

永新縣志 人物卷八 列傳 二十五

按察僉事奉詔平荆襄賊有功蒙錫賞性廉介不  
苟事平以勤瘁嬰病引歸其卒也諭德劉畿碑其  
墓清族子治博學好脩用貢歷益府教授致歸參  
著述有子朝珮舉鄉任繁昌知縣

傅韶字德音景泰甲戌進士歷任刑部員外成化改  
元韶上言四事陞郎中累讞大獄不避權勢有盜  
太廟金盆珠冠者逮繫五六百人韶悉心訪寃皆  
得全活出知黃州丁艱服闋改長沙以疾辭不起  
按省志科舉錄并龔王兩縣志是科惟馬聰劉璧  
劉寅之湯清四人無傳韶各府志載永新人恐誤



今附錄之以俟考

賀世采字義卿少受學於文莊鄒公守蓋公異其穎敏授以陽明先生良知之學身體之無違舉鄉任下邳守清介自勵多善政民懷之舉祀名宦歸里十餘年邳民猶千里寄褐采賦詩有舊民恤我寒之句蚤失怙事母孝教養五弟白首友愛不衰歿祀鄉賢

賀深字宗濬以鄉舉任蘭溪教諭聘典順天文衡稱得士嘗念兄弟分異欲效陳江州鄭浦陽家法合千指同爨遂辭官歸士大夫高之子位官府同知

永新縣志

人物卷八

列傳

二十六

廉靖有父風

李珪字用獻登進士授禮部主事贊大喪無違禮轉員外郎起躋陞郎中治榮府第省費才能有聲時逆瑾擅權欲羅致之抗節忤瑾遷曲靖知府道卒子儼

儼字民望登進士授行人疏諫武廟南巡忤旨杖瀕死調國子學正嘉靖初起拜監察御史奉命巡應天畿田肅清人以真榔史稱之報命乞終養撫按交薦不起居鄉做行藍田約法倡後生講學不爲虛論年八十餘卒鄉人祀于社及鄉賢祠從姪承



芳承緒皆先後登第緒由推官陞主事

賀寬字懋教登進士授成安令改東陽治行焯著擢  
監察御史疏斥權璫風采振臺中遷四川按察僉  
事聲威甚著卒於官

按賀寬知東陽報政時囊橐蕭然士民交相餽贐  
寬惟取一菜時人謂曰昔聞劉寵一錢今見賀寬  
一菜

吳期英字中順資性敏異博極群書登進士歷官禮  
部員外郎謫同知六安州改泰州抗中貴辯疑獄  
進平樂同知因俗爲治民畏懷之除守思恩遭土

永新縣志

人物卷八

列傳

二十七

猶兵亂新建伯王守仁疏薦其有守孤城之功未  
究用尋卒性度灑落詩文力追古調常題郵亭及  
過山驛諸詩詞爲世傳誦所著有南溪集

尹衮字舜章舉鄉試授壽寧令作勸善詩教境內聞  
者皆知感從陞夔州府通判視採皇木民苦艱運  
衮禱於神水忽大至漂木自下抵江歲饑盜起捐  
俸助賑民得全活寇尋弭夔人爲立生祠遷守綿  
州屢獲瘞金以輸公帑代民賦綿人製去思碑擢  
刑部員外郎遷福建運同致仕絕跡公庭鄉人稱  
其篤行第襄



按夔俗尚鬼葬延僧集賓以費重多停柩不舉衣  
首撒淫祠數十所以其材葺學舍進諸生講禮擄  
通衢明塋祭之義嚴暴露之罪蓋踰月而郊垆新  
塚纍纍然郡有蕭尤監家人憑藉暴橫一置之法  
蕭怒曰知府將鞫轅我家爲名高耶與其黨謀以  
刺事逮袁京師調福州至則裁供餽禁橫索鎮守  
中官歛不得肆於是舉治行第一陞廣東按察提  
刑尋改提學明禮教敦行義未嘗大黻色而潛移  
默動有出於勸督之外者歷陞太常少卿改撫蘄  
松陞南兵部右侍郎以九廟災自陳致仕卒於家  
永新縣志 人物卷八 列傳

二十八

贈工部尚書謚恭簡

襄字舜弼生有異質年二十舉鄉試第一人登進士  
改翰林庶吉士授編脩同考禮闈脩武宗實錄遷  
侍講尋進司經局洗馬每直經筵意必存諷諫一  
日進講尚書說命至官不及私昵有旨問講章誰  
爲者人交危之襄不少動對曰此臣職也上悅稱  
講官天下第一未幾竟卒在廷咸惜焉襄性醇雅  
端靜爲學沉思力詣事袁尤謹暑常不問治生其  
志慕高達矣所著有巽峰集子祖懋

祖懋字德鄰童髻英敏過人隨父遊學京師雅有文



譽歸領鄉薦登進士歷官廣東叅議四川提學副使以原職告歸刻意詩文有峽陽稿

甘公亮字欽采登進士授兵部主事時逆瑾擅柄疏乞改南便養在刑曹讞獄明允時疫親視囚醫藥全活甚衆乾清宮災疏陳八事又請建儲不報擢守惠州罷橋鐵稅擣劇寇巢奏設和平縣惠賴以寧歸田四十年足不涉公庭究心理學雅以孝友力踐爲宗有人懷數千金求誌銘者謝不敏曰吾能貧不能爲人諛墓也其介如此著有蓮坪稿南嶽風韻集藏家孫雨選翰林

永新縣志

人物卷八

列傳

二十九

賀縉字朝卿祖溫舉鄉薦任曲江令有政績縉承家學性剛介不阿登進士授工部主事改兵部擢職方員外郎經理上谷雲中邊備冗冒多所裁抑轉武選郎中時倖功被褫者夤緣權璫求復縉執議不撓兩抗疏忤旨告改南儀制郎中擢陝西叅議尋卒人多惜之子謹新慕學能詩從子謹端舉鄉任嘉興通判不弛其家問

蕭樟字國材領鄉薦署江山學尋登進士除知莆田起難改四會平獠寇士民肖像祀之陞刑部主事持法果峭適大禮議興援古以破羣論疏奏不報



遂同朝臣伏闕請旨杖瀕死改治南曹斷獄不避  
貴勢時稱鐵漢嘗建言五事又上言李恂從祀尋  
遷曲靖守不赴邑令陸公燦行政每咨訪焉所著  
有秋山集從子坤文世其學

劉夢詩字子正父桐舉鄉教夏邑擢知漳浦泰順二  
縣民歸其德夢詩年十八領鄉薦登進士授刑部  
主事郎以發摘姦伏著聲時有莫犯小劉之謠大  
駕南巡抗疏乞留不下改南工部主事督造戰艦  
綜理微密逆藩之變卒賴之起躡轉刑部郎中陞  
兗州知府威德竝著士民懷服而宗藩尤爲之歛

永新縣志

人物卷八

列傳

三十

韓遷河東運使剗革積弊國計以饒夢詩素抗直  
稍見嫉於時歸林數十載反益爲夷曠不以貴自  
倨年八十卒後生爲之致哀有二遊小紀藏于家  
劉桐弘治鄉舉知泰順持法嚴平聽斷明悉民隱省  
繁費尤加意士類嚴斥羣小勾攝無一卒下鄉民  
賴以安

賀鏤字邦器登進士由大理寺正任嶺南兵備僉事  
勦羅山寇有功遷副使亡何兩廣盜熾鏤帥兵扼  
其歸路首憇就擒再擢叅政潮寇張璉復大煽鏤  
內佐籌策外總餽餉焦勞至不遑寢食以暴疾卒



有詔追論其績贈光祿寺卿

尹臺字宗基別號洞山嘉靖乙未進士世宗覽其所對策命與一甲竝梓行世讀書中秘拜編脩庚戌分試禮闈公私憂嚴嵩權盛發策問權臣重臣錄呈上大感動取臣鑒錄賢姦傳覽或謂嵩口權臣蓋指公也嵩陰啣之尋以春坊管國子司業復兼翰林脩撰專理誥勅壬子承命主考南京鄉試策陳馭將制兵上摘策中事悉公有心計可圖國嵩因欲與公交權乃令世蕃介其私人置酒促席求婚公力辭之以是怨日深既出爲南祭酒嵩驕而

永新縣志

人物卷八

列傳

三十一

語公曰忝竊政本能無一言相助乎公從容起曰楊繼盛誠狂士願相公左右之勿貽盛世有殺諫臣名嵩曰諾公退而屬王司業材復入言之嵩心動已乃謀諸鄢懋鄉者持不可揚竟論死然海內知救楊者爲王竟莫知出公也改少詹事兼侍讀學士掌院事得入直尋傳御劄令侍郎尹臺代祭孔子蔭臣以語嘗公曰上特晉公侍郎秩吏禮二部孰擇公曰臺無狀倘蒙上恩當出廷推若傳奉非敢承命嵩不喜揭覆止仍以少詹事御行祭父之禮部右侍郎缺有欲擠公以進者用趙文華謀



賂蔭臣構蜚語誣公忽旨從中出指斥問安曹光  
事著罷直供本職曹光者乃上所怒侍御史名也  
出爲南吏部右侍郎兩當京察黜陟惟允時以與  
嵩有郤者欲罷之有附嵩者欲庇之公皆持不可  
故其所護持皆爲國建監者如譚襄敏王奉常其  
此著詔舉邊才首以王邦瑞曹邦輔胡松應詔後  
皆起爲各臣陞南禮部尚書秩滿爲御史劾奏奉  
旨着罷萬曆元年詔起原任未朞乞致仕歸建崇  
正書院割田以給來學公讀書至老不倦爲文體  
裁一準西京詩歌儕建安天寶間四方謁文者克  
永新縣志

人物卷八

列傳

三十一

戶所著有思補軒洞麓堂集數十卷行世卒年七  
十四

戴有孚號聖山嘉靖選貢少工文詞才高學博過目  
成誦由廩膳入國學名重京邑大宰竒其文特超  
拜廣東韶州別駕至則清橋稅節賦役釐革咸中  
理款攝翁源汝源篆事常召諸生設會講業置田  
簞餼士民德之羅山盜剽橫公建擣巢議捷聞獲  
上賞不俟滿考旋擢鄭州守治鄭未一歲又能蠲  
驛遞復宗藩侵壤善政爲大吏所嘉予比歸嘗回  
安成王塘南劉獅泉二先生講究理學開示來哲



時尹洞山先生與公交最深時在南都思以社法  
糾里族屬公倡其事公慨然取爲已任捐貲割田  
社成禮讓蒸布訟爭不作里父老咸義其行焉所  
著有韶城集管城集辛壬錄著疑錄

龍遂字良卿號南岡登進士初授行人奉使淮府郤  
餽贐有廉聲陞刑科給事中會建仁壽宮引古惜  
露臺事力爭之又陳治體三要請勅恤刑官戒其  
枉縱全活甚衆時滄州與儀封交詆公建言大臣  
不知何以表庶職二公自是不復相攻曰龍黃門  
命之矣宣大總督鎮臣希功員以捷聞公毅然劾

永新縣志

人物卷八

列傳

三十三

其誣罔朝臣壯之卽嚴嵩亦謂其有萬夫莫當之  
勇郭武定獲罪公奉詔籍其家追論加切公入諫  
垣僅歲餘疏凡數十上皆天下大計彈劾不避貴  
倖時嚴相擅柄謀傾夏元輔公率臺省奏斥之嚴  
目爲夏黨落職佐藩幕士論黷之稍遷興化司李  
同知漳州府事故事由臺省謫者率倔強不事事  
公絕無遷人態與民絮情法而哀之兩罷俱有龍  
青天之稱尋飭兵思南計縛苗首吳黑獻闕下思  
南守何璋儉傲公摘其吏獎券庭斥之璋搆於鄉  
史御史以公有諫諍名遂之竟而曰是非相君所



欲甘心者耶因極意誣公勒歸里俟勘後十餘年  
嵩敗公始陳情前寃以雪居林臯間偕同志講學  
東山以力行爲急嘗言郡邑利害事於令長監司  
亟行之人皆感其德相謂曰給諫風度猶昔耶公  
歿民鑄其惠曰龍公桑梓遺愛錄所著有掖垣疏  
草義方訓傳於家祀兩郡名宦府縣鄉賢

史詡號見屏登嘉靖壬戌進士初授縣令以卓異擢  
刑部主事讞決稱平出知衢州府會天下舉循良  
十五人公居首入朝賜宴忽疾作未及期謝恩言  
官罪之蒙上諭詡是好官爲朕愛養百姓得免議

永新縣志

人物卷八

列傳

三十四

補大理府尋陞雲貴副使任滿辭歸養親林下二  
十五年留心興革邑人賴之年八十七祀郡邑鄉  
賢

龍文明字斗冲資稟英特九歲能文以神童受知於  
邑令萬曆壬午舉江西第二己丑成進士司李漳  
州多異績及署府篆清屯政立義倉井然有法郡  
故有番舶獻方物爲民患乃嚴絕之沿海肅清後  
陞秋曹郎出守萊州值邊警治兵治餉游刃立就  
會有築城之役親視畚鍤不數月金湯屹然尋陞  
登萊兵備副使倭寇圍城七月生靈卒賴以全歲



大禮捐俸買穀以佐倉庾所不及民免轉徙爲肖  
像以祝辭官解綬歸里脩同仁錄以清軍民倡建  
鳳塔以翼文運邑人士德之歿祀鄉賢祠

劉光震號肩吾榜眼昇魯孫鄉賢贈公運嫡子也幼  
郎以孝聞善事繼母生平克守世德攻苦博學領  
天啓甲子鄉薦登崇禎辛未進士改授漳州府教  
漳人文丕變尤爲大史黃石齋所重稱爲今之胡  
安定尋遷國子博助歷南儀曹郎出守山東兗州  
革重典却厚賂汰冗費復孟氏祭田羣呼劉夫子  
會有中貴奉差過充左右例請郊迎公厲聲叱之

永新縣志

人物卷八

列傳

三十五

竟稱疾不出其剛介類如此時東省久不雪公齋  
宿露禱黎明雪深三尺偏充所轄院司嘆爲至誠  
格天魯藩衍聖公咸致幣稱賀甫六月以儀曹時  
疏糾舊爵之不法者至是脩郟中以薦舉事士民  
數千人詣闕爭訟廉平補廣東雷陽守政簡刑清  
猶治充也雷數苦寇掠公以德禦端皇帝用是嘉  
獎錫之鼎銘曰勒鼎世守有西湖久淤公因勸農  
經過停車甘泉湧出田賴以溉雷人德之建生祠  
於蘓文忠公祠左至今稱劉公泉云治雷諸大政  
詳黃相國王齋初政序中嗣秩滿陞雲南洱海副



使進秩太常寺少卿念母老乞歸養聞闖變望闕  
號泣絕跡城市鬱憤病卒著有奏疏稿翼雲堂詩  
古文遺集行於世子雷奮龍奮皆以文行世其家  
劉朝璽號念南萬曆甲戌進士初任廣州推官值羅  
定寇亂奉檄勦獲百餘寇置之獄賊黨潛通獄吏  
約爲內應伺各官赴太平宴時發之璽方燕坐感  
曰鼠過其前知爲兵象搜獄得所藏兵器遂斬諸  
賊在牛寇圍城將取斬首級擲城下寇知事泄遁  
去巡撫爲之下拜奏聞擢兵科給事中連疏劾首  
輔張居正怙寵擅權及其黨侍郎以下十七人直  
承新縣志

人物卷八

列傳

三十六

聲震海內遷福建僉事再陞雲南副使適播變拔  
鄧子龍于夫役中任以統率竟平賊巢沐府表薦  
陞貴州大叅以疾乞歸置圖田以免書算創社祖  
以備賑荒歿祀郡邑鄉賢祠

周文謨字大白萬曆乙未進士任固安令邑多大壩  
號難治謨下車詢民疾苦與爲更新有濁河遷徙  
不常爲居民患前令隄之稍役其勢後隄决四溢  
謨乃相險要於安庄口築塞躬行率先不旬日工  
成又築護城隄數百丈于是以積勞致病而卒同  
官及邑士夫賻之喪乃得歸至今桐鄉與扮社兩



祀之

賀康載號青藜幼善爲文每試皆第一讀書靜專居  
一古剎瞑目端坐百慮盡捐而十里外足音窅然  
覺之如在跬步間從遊弟子如雲然其教人在戒  
奔競絕奢華謂行文以氣以神奔競則神薄奢華  
則氣浮欲求佳文是南行而北其轍也又謂讀書  
在於養氣氣之清濁人品之賢不肖係焉萬曆壬  
子中鄉試乙丑謁選得西安知縣自矢廉慎與家  
人約曰貪吏犯賊皆妻子患貧所致耳汝輩但隨  
我食藿衣縵而已所得月俸皆貯庫充公費不以

永新縣志

人物卷八

列傳

三十七

八署曰勿令妻子見也其爲治在勤恤民隱而本  
之至誠邑多逋賦公輕徭革羨不事鞭朴而歲額  
自完聽訟務在得情其理屈者頓首自服簿書之  
暇手不釋卷曰吾以讀書起家當以經術治民一  
日不讀書則神思昏曠臨政茫然在西安四年百  
廢並興士民愛戴如師保父母崇禎戊辰舉卓異  
然公貧無以餽都門僅循資擢兗州府同知百姓  
相率叩闥乞久任弗遂閉城門不聽公行及行攀  
舟號泣者萬衆以公嗜橘各籠橘來餞老翁村嫗  
從山坳出亦籠橘攀號而至公各取其一曰昔劉



寵人取一錢吾取一橘而已至充廉慎如女時  
以毋喪奔歸哀慟傷性遂成羸疾以卒所著古文  
為兵亂所燬已梓者踵草及賦役定議

按魏璫緹騎騷擾所過地方為康載所挫口吾奉  
魏尚公逮公卿如縛鷄今乃見聲強項令旋以恠  
過客量移兗州丞卒之日囊無餘俸門人索其所  
產絹為歛曾無一縑其廉如此

甘雨字子開幼竒穎以春秋領薦庚午鄉薦再上  
公車不第與吉水鄒南舉讀書原山潛心舉業  
丁丑魁南宮改翰林院庶吉士鄒南舉上疏劾張

永新縣志

人物卷八

列傳

三十八

江陵不奔喪旨下廷杖瀕危公密托本里龍袍溪  
先生護救得不死歷遷南兵員外郎禮部郎中時  
鄧文潔以侍郎署禮部與公為忘分忘年交會建  
儲改期旨下疑諸臣離間公上疏爭之語多抗直  
雖中格未奏而忠憤所激天下聽之癸巳遷粵西  
督學因炎瘴乞骸歸淡然仕進時上饒楊公貳銓  
政訪逸賢部司馬青螺公撫貴州適學憲缺乃起  
公僉事督學諸生納卷隨閱隨取皆得士心值苗  
酋未敕撫軍移公行間理餉賊平序功有假督學  
以督餉既論文復論兵之語亡酉遷福建臬司副



使時闕司道缺八公箱九綬笑曰吾老人腰那堪  
此若若耶壬子遷楚藩叅政遂以癸丑二月卒鄒  
公闕之嘆曰子開能護余於丁丑而余不能代子  
開於癸丑誠有媿也所著有春秋註疏翠竹青蓮  
山房集鷺州志古今韻註撮要

馬效廉字利清聰從孫博學強記以明經廷試第四  
詔入監銳意作興授閩福清司訓敦尚風節冢宰  
朱鎮山獨禮重之薦掌五經院事遷海州學正拔  
張朝瑞於儔伍中後若朝聯捷欲薦廉于朝固辭  
曰遇合得於天者爲榮得於人者爲辱解組歸梓  
永新縣志 人物卷八 列傳 三十九

偕族黨禮讓相先嘗謂君子道德爲主以心體之  
經濟爲學以身行之推於天下特其餘事亦可想  
見其人品矣

劉作樑字木生號虛巖涇溪辰翁之裔也順治戊戌  
進士幼入庠屢試名不出第二讀書文塔與諸名  
士結馬塔社刻稿行世爲文手眼獨出而一歸老  
成識者決其破壁飛去果以年少中己卯亞魁自  
是入山習靜不及汲汲於功名遲之十九年始登進  
士初授粵東歸善邑爲東坡謫居之地政暇臨水  
登山爲詩文以寄意人曰此再來大蘓海外文字



也邑人懷其德立祠于白鶴峯東坡故居之左善政詳刻碑中尋補新昌令政簡刑清訟獄衰息緩于催科明于革弊講約以化民建學以造士脩志以備邑乘輕徭以惜民力爲政持大體而亦不遺細務當時推爲神明宰謂當大用以盡其才廼心勞撫字而卒于官開其篋殘書數卷其清操可知矣公好爲詩所得士如呂董諸子皆浙之名士日與吟咏一如歸善時刻有敬修堂集邑人慕其人而誦其詩肖像立祠請祀于學庶幾從祀之大儒云

永新縣志

人物卷八

列傳

四十

曾之傳字惕若別號石巖高橋人幼穎異博覽羣書成一家言領康熙癸酉鄉薦父喪廬墓事母尤孝家貧羞干謁館留京師與海內名俊相角筆刊有文稿雙江詩集行世辛卯授安溪令安俗屯米弊積傳清查歸一凡飛洒鉤隱及花紅之入官者悉除之又捐建考亭書院公餘課士大學士李光地給假歸里撰記勒石以誌其盛分闈兩次所獲皆名士卒於官安民請傳主配享書院戶部主政李清載傳門人也爲文以表其墓

按舊志無賀仲華劉肇尹宗李

缺名

劉景文濟亨唐



禹名府志載在人物，其詳畧不一，恐有舛誤。又劉克彥作念胡錦翰作路，未知孰是。今並附其各條。攷又舊志謂忠孝節義僅書一節，不若列傳之不。一書蓋有味乎其言也。夫人之遭際不同，而其才其德亦各有其所著。有其人，揅行端謹，積學宏深，如龍仁夫、馮翼翁、劉髦、友益輩，得時以竟其所施，未必不能宣制。歛局辭婚，權秦如蕭儼、左慶延，有其人如張叔豫、尹襄、李續、歐陽韶輩，未必不能邊庭叱虜，扼險料敵。如劉沆、左鼎，有其人如吳師尹、劉儁、蕭翼、尹襄、賀寬輩，以之黜歷中外，未必不風裁。嶽嶽加張鋼、劉敷事，固有絀此盈彼，而亦有易地皆然者。若劉定之、尹臺、劉光震、龍遂諸君子，又皆文章經濟，彪炳穹壤，未可一節論也。雖然，人患不能有一節之可錄耳。如其竊忠孝美名，以惑採風之耳目，至問其微志隱事，甚不可言。雖其人已往，寧無有蹟之而議其後乎？後之視今，亦由今之視昔，言念及此，未嘗不為之掩卷擱筆者屢矣。

號與符城西人，少負大志，讀書觀大意，隨父任浙江監場，值海氣未靖，與兄嘉珍、嫺習韻鈔，投



轄於總制卽公委職從戎勦積茂著保題廣東海  
豐守脩安插流民一無失所嗣補連平除龍門都  
閩海疆播亂益甚懇題隨卽南征得

**俞**

旨擢叅將裹糧抵漳州見外洋逆艘內地萑符猖獗  
戮力征討克服天寶寨等處漳泉所屬悉安枕緣  
議進勦海洋命造戰船千隻統師擊斬僞官渠魁  
恢復廈門諸島除授廈門總兵官斯時臺灣尚阻  
聲教爲南顧憂乃奉命先取花嶼諸島繼取澎湖  
賊所據爲門戶者無不克棄勝破竹而西嶼頭等  
三十六島悉平僞藩公侯伯及大小將弁一百餘

永新縣志

人物卷八

列傳

卷十一

員悉歸順于是亘古未闢之疆域咸入版圖功加  
十二等進爵世襲拜他喇布勒哈番猶以南澳非  
瑞弗鎮澳孤峙海中荆棘迷蔓瑞奉調親督軍士  
開荒構舍撫遠衆徠經營暮月儼然中土設義學  
詳定文武生二名慮流鴻乏食損貲採糴以脩建  
以脩建城垣立塘汛保題沙塲勞士膺顯秩者纍  
纍然晚攝廈門提督積弊剔除屢疏乞休准以原  
品致仕瑞歷官三十餘年身經百戰獲城得地務  
在安民去任日是處築祠祀焉以功贈曾祖父正  
一品榮祿大天襲兩代階亦如之



忠節

唐賀泰前縣令憑之子仕唐授九江長史乾符間黃巢之亂主帥檄泰將兵扞金陵適賊自關陝乘勝攻剽率衆南下至浙江將入廣泰自金陵提兵急趨洪州邀擊之大戰象牙潭賊佯退頃之復麾兵夾攻泰挺身對陳以一當十賊不敢逼遂得堅壁以守者屢月後以饒信諸郡縣並陷遂力竭斃於軍洪人感其忠封墓江口廟祀一十三人泰首列焉詔贈武翼大夫謚忠烈後裔派分郡邑自唐迄今理學科名代不乏人人以爲忠臣之獲報不爽

永新縣志

人物卷八

忠節

四十一

云

江檀天祐間刺史靖難於南昌之象牙潭土人建廟潭上本邑入祀忠烈祠派衍東義山山田爲東里望族

宋左譽登紹定二年進士授復州景陵尉蒞任未幾適北兵大至城陷譽被執不屈母妻暨子凡十三人同日遇害事聞詔祠於岳陽賜額闕忠特贈承事郎誥詞褒其忠比之唐張巡焉未有岳陽立廟視睢陽無異之語其烈可概見矣後加贈員外郎官其嗣



彭震龍字雷可文信國女弟之妻性跌宕喜功名信  
國起兵勤王補宣毅都帶行大社令知永新縣事  
信國空坑之敗震龍逃歸郡邑望風催陷震龍乃  
結邑人張履翁顏思理及諸豪室歃血倡義興復  
信國自嶺海引師出江西聲勢復振多震龍之功  
未幾復敗震龍等僮城守誓弗下宋叛將劉槃引  
元兵襲攻弗支城竟陷震龍罵槃不屈被害而城  
因以屠今從祀大忠祠

張履翁世居城東文信國署爲學士院檢閱文字糾  
族募兵與震龍思理歃血盟城以應勤王之師所

永新縣志

人物卷八

忠節

四十三

親諷之日脫不勝如禍延九族何履翁曰吾世受  
宋恩願一死報之耳後城陷被執不屈死之嘉靖  
間族裔喬以其事白御史上奏詔從祀文信公祠  
蕭燾夫與兄敬夫竝文信公幕客燾夫爲詩有豪俊  
氣信國起兵補爲從事郎及震龍屢翁輩謀興復  
燾夫力贊之其後城不守兄弟皆死劉槃之難神  
江人

元姚正叔元季兵亂正叔集義兵保障後四年乙未  
紅巾寇大至一門父叔子弟並死之

賀仲英清塘人慷慨好義至正末湖北盜侵邑境仲



英以保障鄉閭功補義兵巡檢未幾湖南尙僚乘  
亂復來攻城仲英率其從子德新德慶與戰大敗  
之賊忿合他寇并勢逼城仲英曰不掃其巢城終  
不可守也遂賈勇深入戰死於閭溪從子理安追  
賊奪骸而歸

戴宗濂字烈夫元廬陵簿母老棄官歸養時紅巾寇  
起宗濂糾義旅捍鄉社高皇帝定江南聞其名召  
至京授以官不屆謫修都城死金陵後其子孫多  
仕顯邑令陸燦傳其事謂其死與昔鄭君不聽漢  
祖更籍名同義乃其後貴盛亦畧與鄭君等天於

永新縣志

人物卷八

忠節

四十四

忠義之報固有意哉人以爲知言

義烈

五代劉景洪晉安成大守遐之後家富樂施予冬月  
稻不時刈日以資鳥雀寒凍食山林縱旁近民樵  
採曰貧者禁之則囂爨初楊行密攻吉州僞刺史  
彭玕屬景洪以兵脅永新使附湖南景洪佯許之  
玕奔湖南景洪竟以州歸行密民得免禍難徐溫  
建國禮聘景洪辭不赴嘗曰吾解二國之兵活人  
多矣子孫其有異乎名其北山曰後隆年九十卒  
子煦事南唐爲殿值都虞侯歸宋官宣政院承旨



歷三世至沈入相景洪與子煦孫素並贈官中書令

宋曾裕性倣儻好義熙寧間邑大饑散緡錢給濟無算明年復爲糜於道以餉莘者鄰壤乞餉輦日萬計所全活多不可殫舉安撫使劉瑾檄邑上聞欲先旌之爲衆勸裕嘆曰吾豈幸災鬻名者哉元豐末吏治逋苛甚犴繫蒲至囚拘徧逆旅裕昕夕食飲之亦間得其代輸以出免遠近懷德焉

樊資深字逢源少遊汴聞學於司馬文正公皇祐初中拔萃異科授潞州別駕致歸里潺爲人剛介博通經史周恤嫻族鄉有貧無食死無棺者畢力濟助之

永新縣志

人物卷八

義烈

四十五

張翬字友奐紹興初邑盜倣擾詔遣觀察使李貴討之召翬爲嚮導積功補散官乾道八年江西大旱翬獻粟助振不受賞帥臣以聞授閣門祗候差任本州兵馬都監賜璽書褒嘉比以漢卜式秩至武義郎翬樂施予居鄉造橋梁甃道路費以億萬計從子銅登第著績聞

次莊初爲京庠弟子後奮身武衛捕盜有收  
忠郎江淮節度判官陞處制使子



進淳熙中在寶錄檢討

元劉綸字子綸瑒字子瑒同父昆弟也蚤自樹立見義勇爲無少回撓至正壬辰兵起淮甸漫延江南西諸郡山藪之氓相誘脅爲盜綸瑒脅謀出貲募勇敢率家僮雜行伍分屯要害列狀白府府檄綸同知本州事屯大沙瑒以廬陵尹屯西江市安成寇猝至綸率衆殲之幾盡城賴以全大沙當永新孔道綸擒倡亂者斬首以徇水陸由是獲通西江市據安成廬陵要衝盜出沒何間奔突得瑒一時靜息邑小塢坑有逆奴謀其主之產盡王室之人

永新縣志

人物卷八 義烈

四十六

殺之惟一孫獲免瑒捕而磔之梟諸市梏其渠以獻之府惡黨因是大惕息遠近安堵明年殘盜復乘尙寇出騷因肆劫無忌瑒復捕戮之陳其尸境上田野并靖甲午大饑民有囊金珠易斗粟不可得者寔餓立就斃瑒悉發其廩賑之室人交謫弗顧也府使至境上立賞格捕賊邏卒欲冒賞至縛治麥之農數輩爲俘將就戮瑒憫其非辜抗辭立辯釋之是時瑒兄弟方以定輯一方爲已在會江西失守諸郡縣相次陷沒兄弟度勢不可支綸徙避廬陵瑒歸匿上麓山中督耕織以足衣食絕口



不一言時事矣

明尹堅字潮春脩幹多力元末兵亂從濠帥據贛州授兵馬指揮開平常忠武之下江西也兵始成列潮春即乘高飛鉅石超傷忠武頰翌日城降潮春匿不敢出忠武搜得之召慰曰好男子當如是留置幕下還朝獻之上命武士四輩與角技力皆不及乃以爲殿直將軍外國貢名馬號撞倒山奚官近之輒人立莫敢輕上以命潮春乃立市樓使人引馬過其下自提囊沙四百斤下壓之徐施鞍勒馬因以馴調從大兵攻燕京執長刀突陣兩手分

永新縣志

人物卷八

義烈

四十七

擒元金符二將啣刀躍馬而馳元兵辟易莫敢近以功累官至武畧將軍祥符衛鎮撫誥詞稱其克襄陽於上流拔秦鄭之重地及淮而戡定諸州取吳興討姑蘓復從北伐定山東州郡恢汴洛封疆潼華咸歸功勤斯著其勇畧可槩見矣

梁學濟南人永樂間任襲永新守禦百戶膽畧過人奉委鎮泰和白羊坳流賊犯境學與賊交鋒三戰賊三北獲賊平先楊法等八人斬首以殉尋賊更益衆黎明衝境挑戰會學兵少力盡矢窮乃大呼罵賊與兄公鼎併僕梁付三人奮敵學被殺傷目



胸面斫三刀髀亦被刃與付同死戰場流血數里  
尸枕相藉見者無不流涕巡撫都御史解公委官  
塋祭併其兄表墓曰雙烈奏聞贈官遊擊將軍廟  
祀死所子霞襲陞一級

耄史曰余少從鄉老游聞其談往代興衰之故未  
嘗不慨然於君臣之際也嗟乎忠義出乎天性如  
必食祿而後死事則君臣之倫歟从矣今觀邑所  
稱諸忠義士獨左譽僅任一景陵尉差有封疆之  
寄餘多田隴崛起之人耳豈忠義顧在草野不在  
朝著耶往聞宋社將屋邑八族從震龍起義報宋

永新縣志

人物卷八 義烈

四十八

德於溘危之口至駢首就死不悔此寧有要納於  
後先者乃劉槃任宋制帥受寵蒙眷一旦叛君忍  
爲逆賊引兵屠城邑幾二噍類著罪通天能無泚  
顏於八姓之厲鬼乎余是以附論左方使後世永  
鑒焉

趙公雲字景龍少英勇慕漢常山之爲人遂名雲年  
三十以總弁起家蒞贛會獻賊突入茶陵吉袁告  
警中丞林公曰賊狂甚吉袁不守奈何雲進籌曰  
吉有失袁不可守守袁宜先守吉林公聽之命移  
總吉營至則訓方率先無何賊警急都人率入



山避之雲怒曰丈夫志期戮力王室彼擊楫中流  
獨非人哉奈何鼠竄爲同守諸義壯其言崇禎癸  
未十月十八賊至守城者棄戈以逃官民雜亂奔  
走號聲盈路已而賊登城回視諸將無敢當者雲  
隻身挺刃戰城下殺十餘人身中數鎗厲聲曰吾  
力竭矣死必爲厲鬼殺汝遂遇害顏色如生刃猶  
在握郡邑觀者爭敬弔之

龍翊字袍溪袍陂人以國學生官雲南叅軍及候選  
京師時鄒忠介抗疏廷杖幾斃一時知交親暱無  
敢近者翊初未相識急往救之得免於死人服其

永新縣志

人物卷八

義烈

四十九

義直指使朱公鴻謨旌其堂曰慕義襄忠

賀育瑞崇禎丙子臨武賊犯境同把總李用斌哨長  
甘象新墨莊鄉民劉康子力闖死撫按遣官致祭  
於其地

劉啓鷗田人崇禎丁丑楚寇圍城邑令閔公及申密  
召南鄉鄉勇千餘人擊賊追至西門觀音橋啓殺  
一賊賊黨斫其頭其子善左手持父頭右手刺殺  
害父者賊黨又斫其頭屍倚欄杆立父頭猶在其  
手事上聞兵巡王公庭梅獎之曰父忠子孝

賀吉昌

字孟旋龍田人居家孝友素負義俠隨征楚  
寇歿于茶陵鐵釘潭邑之文人共傳其事



周宗孔

邑庠生癸未張寇入境孔遇賊厲罵不屈而死

蕭恭生

字汝和

劉廷兆

字石樑炎村人聖孫光祿寺署正死難

尹見知

字非聞

周思兼

字非隱

按譚貞烈夫宗祥與其弟文貴同時伏羲勒王皆死於難舊志未載今錄其名備攷

**孝友**

唐張志字信道其父好仙志甫生即棄家歷游諸名

山冀有所遇久之竟卒嶺表志時方七齡訃聞號

永新縣志

人物卷八 孝友

慟弗已要所親徒步三千里奉父喪以歸葬閭里驚異因呼其所居之中洲為孝子里

顏詡魯公後曲阜人唐同光年間令永新少孤事繼

母以孝聞兄弟鬻居一門十指治家嚴肅男女異

行少長無失序季父據里人桑起訟邑令以聞詡

詡出已緡償之惇行友恭中外睦輯所居賓客嘗

盈座詡款應一無懈色雖冲孺亦為之束帶盡敬

手書博奕傳以戒子弟之荒於學者從子儼登序

化第今平原搗石諸顏皆其後云

按宋史謂乾德元年詡卒詔旌其門改鄉名義感



里名和順以詔爲宋人考乾德初南唐國號尚存而詔已卒應作南唐人

宋吳瓘字伯玉唐史臣兢之裔祖爲邑簿因家縣南連岡族大繁行瓘善睦輯之時以孝弟稱蘇軾薦入史局後除徐州同判卒

歐陽杲字彥昭性純孝侍父疾數月衣不解帶藥必親嘗乃進試隆興特科授全州錄事

彭千里字時鑿生四歲而孤每聞母語其父事輒號慟欲絕母年八十餘事之曲極誠孝旣歿負土成墳周文忠公爲文表之邑令張大正傳其事以子

永新縣志

人物卷八

孝友

五十一

龜年貴封承務郎

譚觀光字元密性至孝居喪廬墓有白兔白鹿之祥後登政和八年進士第紹先學先竝以孝稱

按省志載觀光弟觀復子孚先觀成子紹先與邑志所載互異而省志較詳且於命名之義有合故附紀之

紹先字顯仲通敏嗜學事繼母如其所生母前夫之子來歸紹先分貲畀之友愛無間同產荒歲有棄子於道者爲收飼之迨豐乃還其父母脫人於厄却其謝稱長者



學先字信仲幼孤事兄如父始終不少懈嘗出貸賑  
歲饑輸藥以救癘疫人多賴活又售邑西隙地爲  
蒿里以子煥貴封文林郎

周平一字正寬其先吉水人靖康倣擾避地邑勝鄉  
家焉淳熙乙未特科廸功郎奉嶽祠平一事親至  
孝邑士劉明老輩敘其孝行將聞郡請旌於朝平  
一力止之

段雲甫嘉祐間以明經授衡州儒學正居母喪三年  
未嘗見齒後居父喪亦如之祭塋率循古禮邑人以  
爲難

永新縣志

人物卷八

孝友

五十二

劉應誠字信道家窶甚形容家或勸其改墓應誠泣曰  
寧窶死忍震坏土徼福邪居亡何朱草產塋畔以  
子明老貴贈朝散郎

劉鑑字光國性至孝父公權以哭親表明光國侍几  
杖三十年亡少懈父歿勺水不入口者七日殯塋  
不違禮以子洙貴贈宣教郎

江文卿端平間母病革不可療文卿剖股和藥以進  
病隨愈邑令以聞表其門

元劉格大社人喪父哀慟執古制旣塋廬墓側朝夕  
悲號饑寒不自恤邑士閔其志隨所居廬曰懸思



今所居稱懸思里

湯德明五歲喪父元末爲相周安據永新大兵下邑德明同母劉氏隨軍入袁州指揮韋富家富調守遼東德明從行遂失母所在旦夕號慟願禱富憐之乃資遣歸永新問知母依所親調鳳陽比至所親又調護衛北平後乃徒步追求竟得焉母子不相見三十年德明迄全其養劉年八十五乃卒邑人士爲詩文傳其事

○明左與兒暮之後也祖文郁任高郵河泊官永樂中爲民以負魚課錢徵詣京師遘疾醫療罔效與兒永新縣志人物卷八 孝友 五十三 刲股以進病尋愈事聞詔旌表門閭復其家

尹相字德輔童子時選肄學宮久之棄去教誨鄉閭所至必勉以倫誼人多信從之性孝友撫諸弟白首無間言中歲自築室以居悉推父產讓諸弟弟有失僮僕者捐已資買僕婢給其使踰壯喪室迄老不更娶嘗夜涉澗水有巨鱗當其前相仰天默祝鱗遂去人以爲有陰感焉以孫臺貴贈吏部侍郎

李黷號東川學廣博行端方事父母至孝能以行誼表率其族里人竝尊信之有不善惟恐其或知也



時督學邵公銳嘉其德行首舉以風鄉邑迨病鄉人竝持牲酒禱於神祇卒之日莫不悼痛稱其善至今不衰

劉安炎村人幼失恃祖母鞠之及病湯藥供治更久不少懈比劇刲股入饌以進病隨愈督學趙某每嘉獎之邑令陸侯燦爲造其門致旌扁焉

史榮忠字貫日少喪父家貧道邁遺金俟主者至還之及長善文辭尤篤孝友母周苦節三十餘年忠歲以館穀克饑督學侯公批兩庠公呈旌之曰還金留古人之風閉戶高儒者之節歲貢不仕

永新縣志

人物卷八

孝友

五十四

劉載達號南麓汶水人孝友天植親喪廬墓與弟載造讀書拿雲臺潛心性理安貧樂道名編吉州正氣勅建坊表旌以篤孝真儒誥贈博羅知縣崇祀鄉賢

陳其道字大初九都人山西河津縣典史辭職歸養書博奕傳如顏詡故事以戒子弟之荒於學者卒年八十

劉如暘字鑑字炎村人噩子布政司理問幼卽能修溫清之儀居宦後以所行表率鄉里人以孝稱之吳子瓊文濱日修吳哲鄉飲孔惠吳鎮懋行六世同



居有司屢以孝悌旌其所居之窳坊以上舊志

陳天瑞字維城東里長塘人明季隱君子宗祿子長光瑞季蟾枝時人謂之陳氏三益兄弟皆能承父志天瑞尤優於治生產焉父嘗頌天瑞曰淡泊吾家風吾不欲以口腹累汝曹舊書一篋硯田十畝守此匪惟可資饘粥異日亦可脫不虞之禍初不鮮其意及流寇四起戎馬盈城裨將利其有執光瑞去將誣以法天瑞傾產救之讒者亦無過求如信父有早見四世百口同爨同居皆天瑞善處手足有以致之也子善言歲貢生次子嘉言國學生

永新縣志

人物卷八

孝友

五十五

顏廷瑞字淡若以誦鈴中康熙癸酉武榜事父母備諸艱志養無懈父歿公車聞訃馳歸夜遇虎不害族有荒糧贖塾甚苦廷瑞盡爲代納出貲招墾已熟者聽其售歸凡經二十餘載累始免是尤錫類之大者前令黎芝請旌其孝值撫軍左遷不果子中砥中臺庠生中和歲貢生皆有文譽

龍吉景字水怡袍陂人吳逆變起景負子隨父携幼弟以逃父弟俱被執景抱子入賊營求代因憐而釋之然終怒其父臨行以刀背擊之景趨敵遂傷左手成痼疾母死於亂世殯葬不廢禮事父四十



餘年色養無懈子益舜益寬世守孝友皆其遺訓所致云

龍永慶字松偶城西西園壇人幼習舉業未就寅卯歲值滇藩之變月刃全親避居山谷雖亂離甘旨不缺兄弟七人友愛無間言子光晨能繼父志

李慶蕃字衍萬東里小水人自幼家貧母病疽痛不可觸口吮而痊及卒值寇起權厝他鄉寇平往覓積塚纍纍失其處得老人引示乃負以歸父爲賊所掠脅刃之慶蕃抱父頸苦泣賊感而釋之嘗賣薪以供饘粥雖流離患難間亦自求盡子職焉知

永新縣志

人物卷八

孝友

五十六

縣黎芝上其事給帑建坊表其閭子錫鐸上舍生楊枝菁城西人爲將門世胄至性過人絕無紈褲習澎湖之後積有勲勞迨臺灣來歸論功行賞職授叅遊枝菁以母老固辭回籍奉養十數年儼然孺慕亂離相依喪葬一循古禮人以爲孝子文焯乾隆丙辰鄉舉

李枝炯字學田琴亭人性穎異通經能文早補弟子員事親孝念純篤率循古禮父死廬墓知縣黎芝上其事給帑建坊以旌其里

田日煥發關市人幼習舉子業家故貧又值滄桑變



室廬飄搖煥為膳養雖萬難必力致凡有所得必告父母曰若者自某某來父昌洪樂施而隱其名每不知其物之所往惟日頌知之而多為之備可謂將喻於無言矣弟日炳割股療母兄弟俱有孝行

陳忠言東里長塘人天性肫摯自幼即然生平積苦讀書以求顯揚終數艱抑鬱成疾垂危猶以不得慰泉下人為憾

盛國宜南五十八都人事親能得歡心父渡河失足國宜入水出父於險五世同居有孝讓風乾隆元

永新縣志

人物卷八

孝友

五十七

年知縣黎芝上其事

詔旌之

龍芝珂字石輝八都源頭人事親得孺慕親老起居

誠慕

親老起居

不離有事出雖戴月必歸為各爨弟傾產完公終身無怨言孝友亦有可風云

陳試元字天際東里長塘人父喪結草廬於墓後甃石為亭今名永錫是也母患脚疾弗愈有楚客遺金於道試元如城請醫拾而覓還之翌日客來謝遂為調劑獲痊咸傳為孝義所感乾隆十年奉

旨旌表建坊時年七十有四子八

表言一言勗言直言萬言聖言述言富言



劉石桃花溪人幼有天性家貧出商計甘旨歲頗歸  
省嘗推已分產以篤友愛至不給者為之擇配遣  
嫁多所周恤焉

吳策字布方汴田人新城諭天球子由明經例授主  
簿輪選以母老辭不赴侍養二十餘年不責膳於  
兄弟兄弟亦各敦同氣之好喪塋無違忌日雖服  
闋猶號泣致奠晚年謹跬步羞于謁有澹臺風  
劉有容千古洲人善事二親母死哀毀逾禮奉飲侍  
食無異存日三年不入房闈父喪亦如之生平多  
積善稱餘慶家子時化庠生

永新縣志 人物卷八 孝友

戴文相字冠臣城南人性醇樸有內行侍郎彭公啓  
豐贈以傳

管 瓚 萬壽人克敦孝行一門和睦

劉士恕 千古洲人善事二親人無間言子三世芬芳茂志遵父訓

田日炳 字文蔚發閩市人奉父母色笑罔違督學王有慈德備望之區邑令夏有至孝性成之贈

朱獻 字文聲塘人質直好義隨在克振家

羅維綱 字文聲塘人質直好義隨在克振家

劉廷柱 花溪人

文邦衛 字弟魯厚塘人至性肫誠父喪哀毀骨立致疾早世妻守志撫孤入太學

劉士瑄 大社人父卒廬墓三年子鰲邑庠生



唐尚實 四都古竹人竭力事親歷久不渝

劉 斐 龍田人以下 左 忠 逢橋人

尹良相 左 劍

張弘德 東里人 尹是先

俞士鸞 東街人 尹紹均

賀幹珠 龍田人太學生 周光綬 文竹人

周斯璽 文竹人 汪化龍 石市人

劉時敏 院下人 以上 曾啓福 字毓林發關市人孝行無忝友道克彰

左克儼 合東人 江鐘寶 山田人

左克佩 合東人 湯還奏 夏洋人

永新縣志 人物卷八 孝友 五十九至六十一

顏攀龍 涪溪人

周榜 發關市人

劉其鏞 字殿遠墨莊人著有蘭亭詩集

龍文綉 字蘊中高冢泉溪人太學生父病割股母喪廬墓有六月梅花之異

按割股療親非經也割之未必即有濟事不密是益其憂也脫不幸而傷生奈何或曰愚者計不及此當其忍痛遽割以進而疾愈已又無恙事之不可嘗試而已為之有濟焉不可謂之不孝也故並錄之

儒行



唐龍况字景荀其先鉅鹿人祖庚天佑中任茶陵令况穎敏博貫經史爲時名儒唐光啓間鄉舉龍紀間任大理評事居官仁廉歿遇異僧卜葬義山鹽堆子五人欽琮瑛瑁琳咸以科名顯邑號鹽堆龍云

宋彭進龍字子龍精修厲學粹然有德君子也蚤業詞賦晚深於易屢試國子學從遊甚衆所成造名士多不可勝舉一時推明宿焉

賀弁字德成幼慕聖賢學時二程子過廬陵弁先往受業其慕尚卓偉矣尤工詩郡人祀之詩人堂後

永新縣志

人物卷八

儒行

六十一

舉祀郡鄉賢祠

張湘博學善古文尤精易學晦菴先生嘗扁其齋曰玩易所著有易解行世

明賀守約字約東博學好古隱居不仕元末遺老彫謝獨以古學爲鄉邑倡學者傾嚮之洪武初薦授邑學教諭後改光山學致事歸詩尤贍麗人士至今傳誦之

龍同仁字子元舉元至正鄉舉隱遯不仕洪武戊午縣令烏斯道重其行學薦之朝授邑學訓導觀其所薦之賢而其人抑可知已



端宁國正少孝友既長刻書履歷傳世每試必先諸士與兄瑞並進其有聲甫艾歸退隱以經學教授鄉邑名士多所成造性方嚴門人衣冠弗肅弗敢見時邑老宿張度陳瓚與端爲同時友竝以行學著稱後生憚敬之

收字弘用嗜學慕古比貢京師適逆瑾擅柄廷試四維五述收對策正言無所避授丹陽訓導舉士之孝者諷有司旌之事繼母撫異母弟曲極孝友鄉閭誦焉收族孫元勳幼孤力學以選貢拜宜平令調邵武教授廸士亦有聲教之稱

永新縣志

人物卷八

儒行

六十二

尹爽字用晦年十七忽自奮曰不學何名爲人閉戶深研易理泛及諸史百家卓然有聲督學邵文莊見所試文稱爲國士命校白鹿書院經籍憲使沈公銳以禮聘爲西賓于何力求歸沈贈以詩有浩懷磊落官天地之句一時藩臬加禮重後貢京授吳縣學訓導士遊其門者咸知所嚮往嘗坐諸生柳下指喻進學之方門人懷之作教思亭以識不忘給事陸公燾爲記稱比召伯之甘棠焉起巖改訓杭於潛學同官有携家後至者畏其舍多崇爽以已舍易之士服其正所著有竹菴集以子臺貴



贈吏部侍郎有司舉祀郡邑鄉賢祠長子奎  
奎字崇文幼聰敏爲文力追古法澹然不以世務嬰  
心嘗率家族舉鄉約興禮教俗變一新以貢授吳  
江學訓導申教約嚴課程逾年領鄉薦者九人陞  
教諭諸暨正身率士一如在吳江日邑令有設屏  
於先師廟門過輿不下趨者奎歎曰惡勞廢禮  
豈示民以敬乎立使人撤之尋卒講解門人私謚  
爲淳德先生

顏應時字時行性剛介而篤孝友母病吮癰弗瘳哭  
之至咯血事兄甚敬伯父死理喪代償其負撫遺  
孤如同產以貢授常熟學訓導師範尊嚴士心歸  
服有石壁遺稿藏之家子鑰

鑰字子啓以鄉薦授山東莊平學教諭莊士鮮聞學  
鑰誘以治心理性之方遠近翕從擢新城知縣弛  
賦緩刑蝗不爲災改枝江賑饑平獄民愈悅服後  
歸與弟鑄日以講學善俗相厲嘗捐餼直脫同產  
於獄分俸給諸從昆弟之乏缺者人稱其有完行  
焉其弟鐸少從鑰相與究心理學

顏鐸號山農永新人少從兄鑰聞王文成立志說凝  
神澄慮瞑坐七日夜忘寢食已而豁然頓悟力希



聖賢躬行實踐爲族黨講說孝弟使人人感發里中立萃和會雍然躋於仁讓焉母喪必循禮服闋問學於四方至京師遇貴溪徐波石鐸師事三年命質於王心齋於是以前來爲已任會講豫章同仁祠暢發學庸旨士類景從盱江大儒羅公汝芳尤嚴事之羅舉平日所得問公公曰此制欲非體仁也羅聳然於稠人中稽首者四公以放言得遇縉紳南刑曹業置之死地羅願以身代爲之贖公得生全家貧好施予羅又輒隨其所請公或怒跪羅於榻前批其頰羅不少動曙而怒解始起雖羅

永新縣志

人物卷八

儒行

六十四

公雅量亦公之學有以服人至此也歿後三十餘年邑令管正傳請於督學陳公懋德祀鄉賢有山農集耕樵問荅等書行世

賀應侏字弘任少負奇氣工舉子業每試輒高等旣而幡然曰制義僅科名嚆矢於天人性命之旨無俾也於是潛心理學遇省郡諸書院會千里必赴雖寒暑不輒與盱江鄧潛谷南州章斗津安城王塘南劉三五瀘瀟諸先生共相參究獨有妙悟皆推爲畏友焉其於經史諸書無不淹實考覈精嚴往往自出見解更辨晰三禮躬行實踐無媿醇儒



生平著述甚富傳家共省二錄督學沈公下檄梓  
行又有迂億迂議等書俱堪羽翼經史屢奉當道  
徵求事母至孝及喪廬墓三年復祭田掩枯骨人  
咸稱爲篤行君子晚歲靜息明新書院沐浴端坐  
而卒

周垣字翼微幼孤家貧矢志誦讀其舅氏安成劉瀘  
瀟試以其文奇之就劉氏家塾發憤爲學萬曆戊  
午以春秋領鄉薦授進賢教諭甲子四川鄉試聘  
校春秋房所取士成進士者居半爲人孝友敦篤  
慟母死節每語及輒流涕及從蜀歸取所受聘幣

永新縣志

人物卷八

儒行

六十五

告於父母之靈哭不忍聞所著有春秋解傳世孫  
周謀中庚子武舉任通州都司

賀士昌字拙生爲文力追大家登戊午鄉薦座主毛  
公士龍見其方正誠篤指而謂之曰今之可共患  
難者吾子其人乎後毛公忤魏璫捕之悉昌就試  
春闈途遇相與泣下陰載毛公父子歸里匿深山  
中朝夕如子事父璫敗毛公擢御史深服其大節  
毅然可以託國初授浮梁縣諭有貧士朱應雄負  
才不遇昌給其困乏勸之學薦之科舉朱因得登  
第且日與諸弟子講學肄業相勉仁以讓廉恥之風



尋擢江南滁州守清潔慈愛滁人呼之爲賀佛有大寇夜至關山昌拒寇多方畧寇退城賴以全及辭官歸百姓遮道留之思其德建景行碑立祠祀於關山附關聖廟右至今祭享不替父存莊字秀和祀鄉賢

蕭純字素朴少寄洪都兩中副榜領天啓辛酉選元崇禎戊辰除漳州通判會島寇騷動海防曾公擢率純督師勝算居多子奎鳴隨征卒於軍

賀日達字黃榆幼孤與弟選自相師資以孝友著爲文力追先輩童子試兄弟並雋已酉以擬解乙其

永新縣志

人物卷八

儒行

六十六

卷崇禎癸酉歲貢授韶陽教深於易學歸里值荒年爲粥以待饑者人皆德之

劉運號崇吾孝友天植性嗜古取忠孝節義有禪風教者與考亭家禮輯爲成書居家浣花澆竹長吟自樂父母歿飲食幾廢歲時忌日號哭失聲課子嚴甚其他篤行詳大史黃石齋志中以子光震貴贈中憲大夫雲南洱海副使以理學從祀鄉賢

尹學孔字特鄉受業王塘南先生授貴州藩幕時藩多古藏守吏相繼爲奸委孔稽察吏賄之堅拒悉以古藏修列上聞徃人煽亂孔備陳方畧兵民獲



安撫臺薦之遷雲南景東府同知脩先師廟建啓  
聖祠創學宮置學田教養諸生而景東科第始盛  
均賦稅立義塚改折色土官之捍戾者亦就馴因  
病告休合郡立祠志去思碑歸家督脩白鷺書院  
及本邑學宮合邑請於上祀鄉賢

尹嘉顯字受宇以例貢入成均歷官曲靖府通判甫  
下車見白骨蔽野遂買山爲義塚督撫嘉其卓異  
委署馬龍六涼二州因馬龍科第寥落乃捐俸改  
建學宮邑人士至今感其德及歸郡守林公請葺  
白鷺書院顯繼父志任之助費五百金學舍煥然  
永新縣志 人物卷八 儒行 二十七

扁題有功文教又捐貲脩理本邑城池與古城寨  
家設義塾教育子弟每遇荒歲發金周急其功德  
在人類如此

江爾海字宏受爲人風雅絕倫師事安成劉瀘瀟講  
求心性之學由成均選鴻臚寺居京師名公卿皆  
愛其雅度迨覃恩馳封父母海喜曰官雖卑榮及  
二親吾願畢矣遂掛冠終養常與騷客酬觴作詩  
刻有遊山水記亦名園詩集

劉永綵字自白性寬厚衆稱長者幼孤事母以孝聞  
尤篤友愛有鬻其同關產數百金不問也任山東



莊平丞多惠政遷福州幕去之日民爭奉酒炙  
涕泣挽留擁車載不得行莊南界近三十里越三  
日始出境焉嘗白寃數事活數十人

朱祚昌字俊宇孝友力学善楷草多奇氣自負崇禎  
丁丑楚寇入境昌率衆禦之邑侯閔公嘉其功具  
詳兵憲王公廷梅授以劄昌弗受親知劉三異歿  
託以幼子昌爲經理家務及長還其籍一無所私  
其方正類此家居樟楓東偏橋圯渡者苦之昌營  
產成橋人不病涉人有恙爲轉貸以濟卒或代償  
之家遂落始終無怨言子屏領壬子鄉薦

永新縣志

人物卷八

儒行

六十八

龍有珠字頷有貢士授攸縣令孝友慷慨喜周人之  
恙歸隱於鳧村龍溪間鳴琴賦詩子科寶領巳酉  
鄉薦

李斗字石雲家法醇謹教子弟以恭讓爲文敏捷造  
於精微屢試鄉闈不售從忠介鄒公講學公問心  
安有出入口道心本無出入其出入者人心也公  
許之晚年隱居傳學守忠孝之祖風

周之冠字元夫髫年隨父任固安令父卒扶視南還  
邨無遺橐雖窮困艱苦動必中禮湯睡菴太史稱  
之曰真孝子也補邑弟子員以文見推尤潛心理



學躬踐力行鄒公爾瞻曰元夫非近時人其黃叔  
度之流與先後大史多其父同籍冠屨跡不通謁  
學使至屬意於老匿弗就至其收荒化暴撫孤還  
金多長者行著訓世要言知非錄家規數十則

尹元櫓字槐山師事顏山農謂其恬淡有和靖風年  
四十未得子禱於衡山連舉四子常訓其子云青  
箱爲業產黃卷作家貲子炯方平善詩古文辭季  
子燦領丁酉鄉魁年八十有四劉肩吾叙其狀

王學旦字景明家貧力學屢試弗售甘隱山林執經  
啓後妻陳氏織紉佐讀課其子親臣膺歲薦公直

永新縣志

人物卷八

儒行

六十九

端方邑令閔公園容旌以彥方遺風舉之社師堅  
辭不出同邑縉紳朱士景著其狀尹燦銘其墓  
賀士龍字舒雲家有詩人堂龍亦能詩不墜家聲篤  
行孝友族黨服其行誼兄滁州守士昌明戊午鄉  
薦子祖淦戊午亞魁

蕭如祈字養吾太守樟之孫也力行孝弟家貧讀書  
不輟教授弟子出其門者皆知名士母喪廬墓毫  
猶好學興鄉會立家塾族隣化之子香寶領丁酉  
鄉薦

郭鳴凰家貧力學歲得館穀以克饑養父有疾禱於



神願以身代疾尋愈後父歿築室墓旁服闋乃歸  
邑侯薛公申請院司旌以風世晚著易象要訓子  
國良能世其學

劉廷諫字開美淹貫經史博識子雲奇字詩古文辭  
與李于鱗相上下舉業奇崛萬曆丙午大主考搜  
奇卷得之悉賞魁西江後授湘陰令多善政簿書  
之暇常作楷草書分給邑之求者文江同宗兌陽  
先生稱爲三代以上人

金士駿字子開五歲喪父事母賀氏至孝篤學嗜古  
爲文動數千言鄉隣有惑者周之難者解之慷慨

永新縣志

人物卷八 儒行

七十

無所吝家世沙溪因近城尋山水佳絕處遷南村  
坐一室左右圖書日課晷以文行子映甲午得雋  
同郡太史張幹臣贈以詩曰陽長非關線歲寒當  
是松閒情縈九曲逸興寄三峰

龍球字二成文學龍經邦之子也天資穎異博通經  
史中崇禎丙子副榜與同母弟瑋瑗躬行孝友色  
養數十年至老不衰兄弟析產互相推讓其內行  
淳謹類此平生正直端方述祖德遺訓其子德中  
曰文章忠孝吾先給諫之家法也後之人善志之  
無忘以此邑之稱世德者莫如龍氏



左國樞字啓虞少時家貧力學及長有餘財慕孔北海之遺風遇墨客詩人招引入座與諸子談經論文常散金收書分給子弟之能讀者晚年手錄顏氏家訓授其子朝夕省覽垂爲左氏家法由是子大鵬暉吉皆善楷草能吟詠以才學名

吳季常字卓儒文行蕪優仗義除叛邑人多之

**文學**

附耆儒

**五代**胡元龜少廉介有俊才嘗過邑宰宰見其風采瓌偉欲窮所學指屏間戲珠龍索詠元龜立成有翻身騰白浪撇灰攬明珠之句意蓋有所諷也宰

永新縣志

人物卷八

文學

七十一

大愧服後射策入官授文思房副使

**宋**何晝少讀書廬山白鹿洞初習進士業試南唐屢黜乃渡江謁宋祖陳所爲書二十卷開寶壬申登第官至鳳翔觀察推官以文學有聞於時

張庠字陞卿博通經史嘗著斥蠹正言書以排佛老作元經圖以推五行六運之秘時各儒鄭獬吳處厚錢明逸輩皆師事之號白雲先生

江疇字彥明事母稱孝好學工詩宣和中以八行舉自號轅陽居士有詩集傳世

朱次雲字少游問學該博通五經尤長於聲律以詩



著名領淳熙己酉鄉薦仕爲梧州法曹所著有東  
谷樵唱

吳鄴宋末兵亂避仇轉徙山西改姓張名應珍自號  
義山先生示不忘也註周易宗程朱而不爲苟同  
如參天兩地而倚數鄴以爲五生數之中天數一  
三五凡參地數二四凡兩故聖人參兩之以倚數  
八卦之象乾坤天地以太虛言之也震巽天地之  
長男女爲雷風有氣無形坎離天地之中男女爲  
水火有形無質艮兌天地之少男女爲山澤有質  
確定矣其說頗有據元駙馬都尉高唐郡王闕里  
永新縣志

人物卷八 文學

七年二

吉思嘗從之質疑爲刻其書於平陽路且詳其里  
居書藏秘閣

元賀仲善字宗良龍田人鄉貢生少慕學好文游麟  
洲水窻二先生之門元至正丙戌授兗州路儒學  
正適兵亂不及之官隱居青原山中著詩文自娛  
吉郡詩人堂圯因以其舊宅建之

賀善號善堂賴田人業師劉水窻先生作綱目書法  
公作贊今史斷載劉永新郎水窻先生賀善郎善  
堂公也

龍雲從字子高元末任福建儒學副提舉後隱不出



性曠達邑守將俞茂禮延之與雲陽李祁同列上賓祁文爲時所重而子高以詩詞稱盛惜今多無傳矣

樊端可南里江東人字正夫少從麟洲龍仁夫遊爲人曠達不羈書過目輒成誦工詩歌句法清逸麟洲嘉歎之龍子高與交善恒日正夫吾畏友也

**明**陳宗舜字材民元至正進士授贛州路儒學教授明初典江西文衡洪武中與考會試所得多名賢若解學士縉其一也晚家吉水文學爲遠近所宗楊瑋字季真博通五經性狷介四明烏斯道宰邑以

永新縣志

人物卷八

文學

七十三

文學自任獨於季真加禮重特延請質疑季真素屏跡公門獨爲斯道屈人兩賢之瑋於星經地志尤所精窈嘗取尺紙作廣輪圖山川曲折郡邑遠近如指諸掌人以古今圖牒較之無少異云

張同字祖年登進士授南京刑部主事歷員外郎中爲人豪曠不羈宦不求達而善古文辭尤長於詩所著有岫雲稿

劉時字本升登成化十一年進士歷官兵部郎中致歸殫心著述文多奇思詩效西崑有介石集人士往往誦傳之



胡錦翰字大載少工詩善行楷爲人倣儻有高况不爲世塵所滓垢領鄉薦入國學祭酒劉公震校其文加賞歎仕爲右府都事卒子玉領鄉薦除許州學正

徐慶衍字子芳少穎敏與兄慶鍾以所學自相師友衍領正德丙子鄉薦授知淳安縣政通民宜起黜補貴池適章聖皇太后梓官南祔過其境衍行烈日中辨應致疾不起士民如失怙恃慶鍾晚好吟游情棋酒間不嬰外累年九十餘乃卒

賀中男字可上瓠溪人生而穎敏一目十行年十二

新縣志

人物卷八

文學

七十四

就小試受知太守汪可受及長博綜羣書與同郡魯端甫蕭伯玉劉季則本邑金右辰尹長思輩結社螺浦爲文竒曠奔放識者以爲時藝中蘓子瞻而素心遠韻一似無所長者觀察黃公承天遇以國士先生極言地方利弊黃公惠政先生籌畫爲多與之談古今治亂得失當世兵刑錢穀鹽鐵水利屯田馬政諸要務目營指畫立可施行黃益敬禮因數躡省闈赴南雍每奏一藝大司成周公如盤歎爲曠代竒才顧公宗孟擊節賞之謂其文當公海內先生曰予方惡利齒噉名兒寧忍效之嘗



訓其子曰行文譬之水流萬折必東苟爲名根牽制則神氣不壯安能投之所向無不如意乎故其爲古文辭亦有韓潮蘓海之勢後學聲名未立者先生獎成之遍遊吳楚浙閩燕趙齊魯鍾伯敬譚友夏艾千子諸公皆折節下焉若家孝友常傾貲免弟於難卯翼諸孤尤篤於交情良朋急難匍匐揀之其天性也十試弗售每榜放得者失者莫不以先生下第爲恨而先生泊然不少奪其豪邁之氣陳大士序其文云可上爲人古人自命介然不欺其志予社中最號有得者可上大力其人也顧

永新縣志

人物卷八

文學

七十五

巖叟云可上自命以古人自任以天下其取重於諸名宿如此北歸歿金陵道中所著憂內集佚其稿海內深惜之行世者經濟名臣錄諸書并楞嚴如說惟識頌贊後十年督學侯公峒魯景慕先型檄祀鄉賢子善來舉明經負才名

金光彌宇右辰號天擎生而穎異讀書日積寸年十二補弟子員善詩賦古文詞刻意冥搜旁及百家其於古今興亡地輿形勢星曆氣候山林兵筴河渠園府方技稗說抵掌奮舌辨如决河會天下多故留心當世之務好談兵籌九邊事鑿鑿可見之



施行入北雍大司成傳公新德與語大驚曰有才如此困於縫掖吾輩端坐而觀師豈不媿哉內閣葉公向高張公位咸國士禮之才名滿天下惜年未五旬而卒不獲展其志著述數十萬言有功臣傳九邊考旁觀錄及金竺山房詩集湯臨川顯祖選刻爲之序學士施愚山重刊其詩集行世

尹先覺字長思號天愚才高學博以恩選入南雍每試冠軍萬曆丙午舉應天鄉試與錢公謙益繆公昌期周公宗建方公應祥稱同門莫逆交數公先後成進士而公三上不第乙卯公車卒於雄縣道

永新縣志

人物卷八

文學

七十六

中士林惜之其族姪名之思得其易傳

賀鳴祥字中白才學具足爲古今文辭綽有左國之風與金光弼尹先覺賀中男周之望蕭廷鳴劉廷諫竝著聲名稱爲禾川七才子數奇不遇以歲貢終生平所得館穀悉與兄弟共之不問出入太史蕭拙脩劉孝則咸折節焉

蕭廷鳴字升叔少年補郡庠生受知於觀察黃公領萬曆壬子鄉薦以夙望赴公車海內名流爭欲托交初授陳州教諭待士以禮後署事商邑專務德化清廉著聲卒於署其兄熙鳴由明經授密縣令



密去陳不遠士民猶思公教澤云

周之望字非熊嗜古淹博中萬曆癸卯鄉試杜門讀書絕跡公庭布衣蔬食泊如也著作甚富爲兵燹僅存閩史行世

賀奎章字中陽負奇才艱於選舉嘆曰大丈夫自有千秋事業遂入山著書自號三一居士博通經史旁及諸子百家著仕學規要安成張鰲山先生序其集傳世

龍三汲字禹門天性孝友偕兄弟力學養志辛卯領鄉薦澹薄自甘爲人伉直有氣節遇大利害能建  
永新縣志 人物卷八 文學 七十七  
言人方期其大用惜以疾遽卒

龍孔佐號角洲幼孤依兄孔傑與嫂劉氏親如父母弱冠有聲黌序博學力行重然諾慎取與羈邑士大夫相與講程朱之學能以一二言剖晰微義衆皆悅服而不欲以辯勝人書齋題行己有耻四字時常省覽教子振唐使常視此萬曆辛亥以歲貢授廣東乳源司訓導遷英德令病卒於官

李長生字小年幼稱神童六歲能屬對八歲聽講易師解乘龍御天郎問曰得非中庸之時中乎其類悟如此督學張公京元見其易菀驚曰九歲童子



能知易奇之督學侯廣成先生稱其文曲折微雋  
年三十卒

史訓字對南篤行好學師其兄見屏言行一以爲法  
以選貢筮仕信陽州多善政第詠文行亦如之以  
歲貢授當塗訓導後教授鎮江及卒尹公洞山銘  
其墓

劉瑀字右化天資英敏立志理學與叔子裁師事徐  
魯元問良知之學瑀曰吾儒此心虛靈非同釋氏  
之空覺也必有躬行實踐之功見於日用彝倫之  
間魯元是之享年九十卒文江李翰林振裕與其  
永新縣志

人物卷八

文學

七十八

子爵生同鄉榜爲之銘其墓

賀澄號松隱生平端方其學以王文成爲宗嘗有言  
曰聖學豈寂守其知擴克之功無時可間由是躬  
行篤實有古人之風自題其堂曰松隱子析作孝  
思堂祀之御史李儼爲之記

李嗣晟號秋洞居琴亭其文清奇雄俊爲邑廩生四  
方問奇者雲集所得館穀分甘伯仲尹洞山先生稱  
其人文有品膺歲貢邑侯龔石巖請同脩縣志陳  
一吾行改折余少源復古學皆與商確初諭進賢  
繼授南昌郡當道大文字皆出其手掛冠歸里賦



詩適志所著有琴亭集落花吟晚年作秋洞記自序

劉浚甫字茹白少負才名試輒冠軍辛酉領鄉薦任四川新寧令居官慈廉掛冠歸囊無餘資惟有看山升菴兩文集居家清白垂訓

劉守誠號峯園篤學力行與弟守洵從鄒忠介講學青原己酉鄉薦授崇仁教諭士服其教陞廣東博羅令愛民下士會水浸城爲文告神水遂退旣而羅浮盜起抵城下守誠登埤死守民心益固賊引去陞湖州二守

永新縣志

人物卷八

文學

七十九

劉光樞字毓秀少負異才督學黃寓庸先生首拔之厥後以文廟基土爲勢豪占據倡義清理陰中毳斃通邑紳士爲文祭之其畧云正氣貫天日奇績勒金石無何趙璧方歸楚猿禍及如斯義烈烏可無傳

黃學元字蒼舒好學能文擬楚辭漢賦金右辰見之評曰此吾曹鼓吹也督學黃公汝亨拔爲庠生與胡中清汪宗濂成美諸才子結社一日偶與成美語狎兩人遂割席學元性亢激以乾沒東門浮橋公費事言之鄧司李鄧詰令令恚甚成美乘間搆



之屈不得伸隱宜陽山中著天怪以自廣天怪者  
續天問之餘也

李涵壑字斗暘有才學屢躋棘闈著花萼集妻陳氏  
賢德邑令黎士弘作雙像贊以表異之曰不知其  
祖視其孫清風勁節今尚存圖書詩卷澤尤溫是  
爲通德之名門德則齊年則耆林下之風猶可稽  
是將曰女中之師

湯宏字宇襟以春秋領萬歷己卯鄉薦初授湖廣夔  
陵州教授聘入南闈所拔士多昂鉉材丁公紹軾  
歷階宰輔餘皆顯宦後擢德清令簿書之暇文酒

永新縣志

人物卷八

文學

八十

自娛纂輯左史傳世

尹方平字無界郡庠生甘貧好學品端方爲文敏捷  
試遇有問難者隨口辯晰遂溪中丞郭雲磯先生  
聞其博學偕入京方平爲條陳機務悉中肯綮欲  
薦以職弗受著有兩京遊草吳興閔公暨諸邑侯  
重其學行稱爲博物君子與兄炯共著易解周禮  
輯要詩賦行世

尹膺聘字選公強記博聞工制藝每試拔前茅志氣  
豪上有不可一世概遇知己重觴論文忘倦旣登  
賢書奮志下帷數上公車弗售賚志以歿人共惜



之

龍補袞字無闕少艱遇在寄籍於貴州時同邑甘義  
麓任督學袞呈牒求考郡士大噪拒之甘先生素  
憐其才然不欲徇以私佯怒罵曰子能七藝卽收  
子袞立草如所命題甘以示群士士皆折服無敢  
譁者遂拔之後以選貢入北雍中萬曆己卯榜授  
中江令爲官清正愛民禮士多善政人感其德如  
桐鄉之於朱邑焉

賀邁生字元明十二歲心竊沈先生竒其才稱賀姓  
三才子之一歷試高等刻試卷名曰小言以問世

永新縣志

人物卷八

文學

八十一

與同邑馬之驥賀吳生靖國王朝賢李小白李長  
生金大韶結社稱新社九子讀書浮玉閣評史談  
經拈題課藝交勉於學相勸以德日功名由天制  
之道德文章人自爲之非天所得制也卒之九人  
中惟馬之驥中崇禎丙子科其餘榮瘁不一  
吳鳳翼字于飛博通經史性喜閒靜尹公長思稱其  
有五柳先生之風構書室於仙溪洞口與里中同  
學郭萬里劉齊珠周天球讀書其間晰疑賞竒文  
行並有成就郭子萬里受知侯廣城先生餽於岸  
應貢以疾卒著有和雍堂集



周祖亮字四通邑庠士篤學謹行性剛方癸未忤張  
寇身被數刃幸得不死邑侯黃公受封聞而嘉之  
資以藥餌嗣益發憤讀書寒暑不釋卷年九十終  
男振元領戊午鄉薦

曠遠字若谷新田人健筆縱橫莫可控制邑侯管元  
心先生稱為文人之雄刻禾川七子稿遠其一也  
晚年應貢不貢一觴一詠怡然自得邑之士大夫  
高其節

賀柎字豫良家世清白礪廉節為文淹博古雅初應  
童子試王公登錄遂奇之曰萬錢選也丙午以策

永新縣志

人物卷八

文學

及八十一

論領鄉薦能言邑之利弊事慷慨激烈有父靖共  
之風

尹焯字慈明少穎慧受業於兩兄振甫無界學成文  
日有名屢拔傷等丁酉以易經中第二生平伉直  
遇邑之利弊倡義建白如建文塔脩學宮其功最  
多耄尤好學富於著作

李川寶字看石少好莊列為文自闢殊徑不欲苟同  
於人見者怪之邑令管公正傳稱為昌黎後出禾  
川才士雖多而幽奧奇險未有如川寶者也癸酉  
管公場中得一卷擬必李所作不忍摘其句字力



薦首卷及榜發非川寶名深切曉曩其爲人如其  
文多奇行晚年高冠整衣居山谷間非其人不與  
通知己者雖遠必數相過所著易隨十卷義本程  
本而自出新意發人所未發卒年八十一  
賀鳳生字千仞穎異有大志父廷宰有端士風性至  
孝鳳少師之日誦萬言試輒冠軍崇禎己卯領鄉  
薦爲人慷慨有氣節遇邑太利害敢言不屈憐才  
好賓客脫人於難明季閉戶著作於聲利汨如也  
詩律晚益細有至菴三集行世

金如輪字轉日幼聰慧年九歲通書易與弟曙先相

永新縣志

人物卷八

文學

八十二

師友兩人旁搜廣覽兩舉副榜嘗設帳吳楚間執  
經者甚衆如輪以崇禎己卯歲貢曙先以順治辛  
卯恩選共著觀感錄周易通解

賀靖國字忠矣爲文落紙如飛義精詞粹設教文塔  
講四書五經木生劉先生與兄作相徐有傑皆一  
時名士聚其門刻鴈塔社稿及遇後進聲名未立  
者雖未受業不惜獎成以甲午選貢第一幹臣張  
先生邀入京京之名鄉求詩文者趾相錯平生純  
孝爲子無私財得館穀上之父母囊無一錢曰父  
母在貧亦樂也其孝行如此著有水雪堂集



賀吳生字季子髫年爲文才識過人時號奇童邑令沈心南拔之與貽孫邁生日爲一姓三才子甲子幾冠西江因大結傷時遂抑管公正傳令永新癸酉分房校士意西江奇才如吳生摸索當得之及榜發爲之太息吳生意氣自豪文益閎肆迨明運盡而山林之志决矣入其室者惟清風明月因自號兩間居士所著有各臣錄靜觀堂集

李其昌字君求爲文淡折古雅曾公堯臣選吉州合社刻其稿尋講學依仁書院昌講萬物皆備章語契旨文江李忠文公深器之平生孝友族之子弟

永新縣志

人物卷八

文學

八十三

視其事親從兄以爲法

徐景字仲升爲文高卓得力石齋黃公稿篇成置黃稿中不復辨督學三拔案首與王新吳季常汪宗濂結秋雲社遊其門者如賀嘉選盛士賓等皆知名士著有易經義疏

尹啓殷字小尹宗伯臺魯孫也甘貧博極羣書兼善騎射中崇禎己卯副榜拔貢負大才能詩文爲人敦孝友重交遊慷慨激烈癸未楚叛將杜龍曹天衢等以兵萬餘圍城七日不解城幾陷殷請於邑侯夜縋而出詣兵壘反覆開諭危城以全邑人德



之所著有素齋稿

劉子預字藕門乙卯亞魁清 亦嘗在己言遇亂兵不  
屈死於洋埠同時死者庠士三瑞三琦皆劉姓文  
人

周紹珠字伯召博通經史與賀吳生貽孫齊名郭天  
門先生評其文曰雄深雅健得司馬之遺汪憲副  
以故人子貽書招之不至自守泊如也與弟添珠  
偕隱閉戶著書人稱竹隱雙逸

賀肇鵬字搏南號寶善明經術尤邃於易好為閩肆  
之文詩詞援筆立就年十五遊邑庠以優等食饌

永新縣志

人物卷八

文學

八十四

師事劉石潭每過訪多取折衷深服其明敏值貢  
循次甫及而卒子嗣能讀父書樂施不倦有司上  
其事旌以冠帶榮於鄉

左嗣穎

字毓恬 蘇田人

江孔殷

字荆濤 東山田人 邑廩生 剛方慷慨 凡邑中  
大利害敢言與除著有問心軒稿中壬子副榜  
字孚尹 著眠雲館詩集

賀穉圭

字小熙 蘇田人

左右明

賀垂裳

字君錫 龍田人 事節母 頽氏以孝聞 屢試棘  
闈長於詩著有遵素集

龍 鱗

字介甫 能文善楷 草癸卯副榜 讀書栢窻  
著就正草

劉雷奮

字濤聲 博學正直 壬子副榜  
著四書題義 半和詩集



尹弘詞

字巨沙字伯臺孫也家學淵源文行並優

曠秉旦

字養齋篤學力行

李璿

字培笋以易傳家族子三才純如寶得其宗號曰李氏一家易

賀覺

字予將龍田人多著作隱於荷溪門人龍因菴為之刻荷溪遺集

顏志道

字海襟著春秋正解

金宗珠

字維城異才博學邑令黎序其文稿

賀時清

號秀螺龍田人著字辯綠野草

左序生

字自新藤田人

賀文炷

庠生清塘人子是培亦有文名

周菩珠

字崑山厚田人幼能賦詩事母王氏以孝聞博通經史屢試冠軍廩生周映奇傳其遺稿

尹炯

沉潛力學端方純雅

永新縣志

人物卷八

文學

八十五

劉帝則

字叔豹龍田人

龍之虬

市田人廣西籍由明經授兵部主事

龍之虹

市田人廣西籍由貢授漳州諭以上舊志

按省志載之虬字伯子崇禎貢士累官至太僕寺

少卿巡撫廣西駐柳州比至募兵徵餉無有應者得殘卒二千人築壘為戰守具城既破之虬率士卒冒矢石晝夜捍禦凡月先是桂林梧州皆破外援絕守將陳金舉開門為內應城遂陷之虬被執不降死方柳城未陷也或勸之去之虬曰以死守城吾分也引佩刀矢志賦絕命詩藏衣帶間詩曰



背君失節敝體辱親不忠不孝賊子仇臣我懷往  
哲信國忠勤危疆盡瘁豈敢愛身斷以剖腹庶幾  
古人至是果死于難夫人朱氏匿深谷悶變亦墜  
崖而死柳人哀之収其夫婦遺骸塋于鵲耳山

賀貽孫字子翼厚田人兗州丞康載豕嗣也幼聰慧

九歲能文入郡學食餼兩中前明副車當時江右

文人如陳大士萬茂先陳士業徐巨源輩皆折節

之洎甲申之變决志入山肆力詩古文辭著作日富本朝提學樊公

繼前召之再固辭不受衣徵入內翰書至門愀然

曰吾逃世而不能逃名名之累人實甚遂變名高

永新縣志 人物卷八 文學

蹈與高僧羽士往來居常戒子弟讀書須有實際

不得以剽竄欺有司終坐空踈之誚逝年八十有

四著有易觸詩觸史論藏於家其行世者詩後騷

筏激書水田居士詩文集及浮玉館藏稿凡三刻

子穉恭穉圭皆有宏博聲

葉擎霄字蒼半祖居城西攻於制藝雄長羣倫者三

十年詩古文昌明俊偉直登作者之壇晚以明經

為度學廣文十八灘頭鬱孤臺上更多吟咏為人

孤峭寡合非同方者弗與友著有尺小居小品詩

選二卷邑侯黎士弘為之序



賀善來字僧護父中男博學宏詞積善一棹善來讀  
不數過輒入精微尋常語出其筆端自雋永可  
味幼時卽爲西昌魯堯臣蕭伯玉兩公所器同郡  
劉孝則劉石琅李懋明咸令其子弟與之遊鼎革  
後扁戶深居非其人不與處歲應貢以老病辭卒  
年七十有二文集若干藏於家

龍體剛字鐵芝號牧州南城人垂髫卽遍六藝長力  
貧苦學工詩古文詞丁漁樵之變室家飄搖旣失  
所恃乃棄制舉業以國學考授州同遍歷江南北  
名山大川與當世賢士大夫所衡今古隨至題咏

永新縣志 人物卷八 文學

不絕半窻詩集皆紀遊作也所著有史畧詩畧詞  
畧策畧諸書

賀泰生字幼襄博南八世孫八歲能文十二歌采芹  
與施愚山講學青原白鷺士譽歸之著有省庵文  
集竹圃詩草

賀是字坦菴孝廉鳳生第三子生性灑落不羈父歿  
奉母居林下以文酒自娛詩則我行我法不落時  
派年三十六迎母命出山應試屢得冠軍爲刺史  
劉德星所器居常閉戶却輒絕跡不入城市所著  
書甚多其行世者唯鴈蕩紀遊奚囊四句可畱集



四卷子千秋郡庠生

龍科寶字子重祖居城東中康熙己酉舉人母氏賀秋安才女也學問多得於母教下筆空靈淡宕毫無俗韻每為名流折服嘗仿歐率更草寫鐵門限點畫逼肖不肯示人以拙為人莊靜寡言笑非衣冠不見人人非衣冠亦不之見素饒裕邑有大利害事輒倡義興除之坐落業不悔晚為上虞令多善政去官日民有龍去天無眼之謠歸梓囊橐蕭然縱情詩酒卒年八十有七著有杜詩集註龍溪草堂初二刻行世陳鵬年為之序

永新縣志

人物卷八

文學

八十八

賀朝任字尹右號辛農七都號溪人善來子幼聰穎屬文清矯不羣年十三郎受知當事遊泮後家貧落拓淡意功名京師齊魯閩楚諸名勝足跡幾遍著有太平獻曝筮仕忠告義方補遺諸書一得偶存集八卷

劉之藩字西翰幼稱神童博涉經史癸巳以禮經魁西江六上春官不第譽益歸之每舉陸象山喻義喻利之講示後學晚著河圖難對十卷西林瀟湘讀史閉居等吟與兄之蘭極友愛嘗以康熙辛丑歲貢移作雍正癸卯恩貢舉鄉飲茗日易經講義



四書家課

周三汲字滄際號瀾軒東里燕溪人由選拔聯捷進士讀書酷嗜左史莊騷弱冠同臨川李穆堂見推於嘉定張日容因與李交善辨晰經義講明性學於斯道深矣四方來學經其指授莫不豁然有以自得惜遇晚不獲竟所施著有學庸講義五經精言南華摘句讀史勾要詩賦雜著五十四卷家貧未能梓門人蘓作睿刊有瀾軒四書文二冊行世賀淳號鈍菴原名弘道清塘人穎敏絕倫博通經史工詞賦臨川李穆堂來掌邑書院教甚奇之取選

永新縣志

人物卷八

文學

八十九

秋山課藝多淳文年十六食餼於邑遇考屢得優等爲人謹厚有餘里人常稱爲淳翁真淳德君子勗登國學生刊有鈍菴稿李穆堂爲之序

劉森字一棣號帽山別號木林居士幼貧力學日誦萬言與人角藝頃刻立就有馳風驟雨槩善懷素書法酒酣一揮百幅更入神妙求者屢滿戶外領康熙辛卯鄉薦第二授內閣中書以子世衢

勅

封文林郎著有木林居集金峰合稿易訂四書訂帽山長文稿半幅箋諸刊行世

按忠節孝友人之大紀存焉體之實一則爲儒行



千言立就其孝友慈惠常流露於筆。二間邑紳士咸噐之房下軍民兩役繁重獨以身一人安衆戶雖疊遭寇洗貧窶日甚泊如焉或有橫逆之加不與較常曰我世守忠厚積善惠迪之說聖經諒不我欺惜中年不祿著作未竟士林惜焉子士毅爲郡增生以長孫右臺貴贈奉直大夫妻李氏贈宜人按忠節孝友人之大紀存焉體之實踐則爲儒行播之詞華則爲文學二者體用各具兼之誠難予序次文學至左嗣頴以下二十人舊志大畧惜其人之不盡傳也若張庠之元經圖朱次雲之周易

永新縣志

人物卷八

文學

九十

註楊綿精究星經地志可盡視爲章句歟賀中男熟悉當世兵刑錢穀鹽筴水利屯田馬政諸要務金光弼旁及古今興亡形勢天文河圖圜府方伎著爲成書又如賀貽孫之詩箴騷箴激書關古今堂與自成一家言龍體剛之史畧策畧詩集皆可公之於世故於本傳一一臚列其目獨文之行遠乎人與俱傳矣

附耆儒

江中桂字秋生邑庠生東山田人博學。通經改革初寇賊頻仍室廬蕭索中桂安貧順命。以詩書訓



子孫暮年手不釋卷屢戰棘闈不售。號留餘居士意殆留。有餘於後人也。鄉飲不就。八十九卒之日呼子孫囑之曰。謹記衆善奉行。諸惡莫作。二話不及他事。子海寧有父風。

周志孔字及聖號寧軒。厚田人。績學種文。蜚聲庠序。晚年杜門。以詩酒自娛。爲人淳謹。嚴訓課子弟。每當庭對。非衣冠不敢進。其品誼亦有足重云。

龍爾黎字田文。袍陂人家。貧力學。屢躋棘闈。澹然物外。視浮華奔競。爲泥塗。邑人推爲有道士。

劉永祚字燕士。北二都雙溪人。邑廩生。舉正賓。爲時永新縣志。人物卷八。九十一。所重勵志。苦學夜不設枕者三載。著有竹軒錄。子垂域。世其學。餼於庠。

龍益舜字唐九。南里袍陂人。讀書不事生產。而若家有內行。師事周瀾軒。每成一藝。屈其羣輩。治春秋貫串三傳。卒老於歲貢。前令張儀九區。其堂曰鏞。經蓋指其所遺於後人者。有積功在焉。

尹是瑚字斯陳。明宗伯臺元孫。副貢。啓殷子。弱冠入邑庠。安貧樂道。雍正乙巳。督學沈公翼機以優行舉。赴鄉闈十九次。終不售。著有桂岡山文集。人號

淳良



劉文源字崑發北山後隆堂人髫年斐然一黌序讀書  
苦心孤詣力造精微棘闈屢薦弗售二平重氣節  
而不務標榜爲諸生四十年髦猶吟咏不輒率子  
弟以循謹之行有古人風子萬載廩生萬國學生  
曠建汾字仲歌新田人端謹勤學垂老不倦輪貢及  
期而卒與厚溪周家柱南汶蕭光禔麻田左光壇  
西湖李作棟蘆溪郭維翰同一數竒清塘賀盛朝  
學行亦復相似士林惜之

按禮記衆人之命儒也妄常以儒相詬病儒亦何  
負於人哉願所立何如耳苟非性惡如荀况詘身

永新縣志

人物卷八

文學

九十二

如楊雄寂滅如王弼纖綿如賈逵貧殘如戴聖荒  
鄙如馬融短喪如杜預冠儒冠服儒服有一畝之  
宮環堵之室左琴右書窮年矻矻襲鄉之子弟而  
誘掖獎進之不見稱於人亦無惡於世皆得以儒  
名之乃必如禮經所云遽數之不能終悉數之不  
可僕自秦迄今諸儒輩出幾人當之而無愧乎夫  
艱於遇者不必齎於才無怠行者乃能卒其業予  
惜其老於此守聖賢繩墨兢兢不敢踰蓋亦有足  
多焉故附志之






永新縣志

人物

248.73  
250.159  
30  
15





永新縣志卷之八

人物二

永新縣知事王

瀚輯



劉介禧字凝碧大社人生平好善樂施弘治己亥邑大饑傾廩以濟全活甚衆事聞詔授宣義郎

吳弘飲賓壽官南唐東三房人弘治七年捐銀三百兩助脩廟學邑令王嘉其好義有記

龍崇志字達所在城長街人大學生州同知好善樂施助建本邑浮玉閣銀四百兩余公稱其首先倡義載在碑

龍振麟字海日大學生在城長街人每荒年施濟多  
永新縣志 人物卷八 善行 一

方貴糴賤糶以賑饑人負之即焚券又助賑浮玉閣田租叁百桶糧載僧戶子有珠貢士

賀志美號鳳崗竭力事親因家貧缺養遂廢學治生家日豐盈好行其德賑饑瘞旅成橋築陂建亭造舟祠圮則復祭廢則舉晚築讀書堂招集文人與子劇切日後人其以詩書亢吾宗

周世邦號玉達倜儻好讀書性至孝順治二年土寇肆掠邦奮然率族中子弟督力者殲巨魁數十人寇竟平邑侯冉公詳請兩院扁日十以保障歲饑輒散所積穀直貸不計息邑侯黎公以旌其義



賀美六號玉宇性孝友脩祠睦族丙子施穀賑荒邑  
令閔公有哲人樹義之褒己亥又毀荒直指李公  
旌以惠施並懋年九十妻伍氏八十齊翁有子八  
人孫六十餘人多著聲學宮建祠祀之

江球字義菴東山田人孝親友弟捐己建祠樂施賑  
荒惟以詩書訓子弟守其父應景文章德義之遺  
風

賀美二號少亭龍田人以忠厚傳家力行善事年九  
十臨終惟以脩德誠子子孔敵字雲寰能率父訓  
邑令王公察其善獎以德重鄉舉府尹陳公亦旌

永新縣志

人物卷八

善行

二

之日義方垂裕

周希量字毓初厚田人遺經傳家明末歲荒出穀三  
千石賑饑邑侯冉公高其行誼敦請飲賓今子孫  
繁衍多著聲譽序黎侯稱為文章節義之家

劉志廓字中存大社人周急濟困尤喜成人之美隣  
之子弟之秀而貧者設義館以訓課之始終其事  
為鄉黨所推

賀仲

字厚珍邑庠生

戴承和

梅田人督修縣署恩  
授冠帶

劉愈泰

字橫秋郡庠生潞江人讀書守苦  
事父心川以孝著

左穎拔

明飲賓生員  
合東人



曾志柱

發閩市人係鄉舉  
陽生之後裔

尹之思

邑庠生沙田人

賀逢升

字懸圃龍田人

龍琦

字帶湖袍陂人

龍日亨

字爾昌在城長街人家貧好善  
嚴課其子鑾庸歲貢

周相武

字右文厚田人

賀宗德

號雪松號溪人傳學有孝行周貧恤孤  
增脩德慧安成劉三吾銘其墓

王雍

號自牧東里人

劉科寶字文聯世居樟視少攻舉子業值滄桑變晦

跡養親五世同居一門雍睦著有省身八箴家範

永新縣志

人物卷八

善行

四

十四則示其子珪

劉昌道字達也慷慨有志吳逆梗命隱居山谷里中

擾攘為墟回籍散牛種數十石招撫還業而家猶

殷富甲申邑歲歉復出粟賑窮民咸義之子光烈

光勲皆以積善守庭訓光錫亦有才明

陳光瑞字開泰東里長塘人世守義門之遺亂後還

金千里負故人骸竭貲出知已於獄皆義舉也親

歿卜地得吉術者以乘氣稍偏餽之日汝能謝我

當斜撥其針使全福歸汝光瑞正色叱之謂陰地

在心不當死心以求地斯言尤可換俗弊以子國



祥

勅封廸功郎

文濟昌東里橫江市人秉性撝謙恤隣睦族不吝施  
予尤喜脩灘砌路以利行人馬頰一帶至今無險  
患者濟昌之力居多

賀廷桂字月友龍田人忠厚傳家敦善樂施囊罄不  
悔年七十九侍親有萊子風

龍吉昇字參偶袍陂人生平好善誓脩荒墳一千塚  
及半遂卒臨終叮嚀其子寧薄殯塋務滿我願長  
子益襄勉力竣其事中雍正乙卯鄉榜

永新縣志

人物卷八

善行

五

湯嘉賓字習楷夏陽人國子上舍早失怙事母孝謹  
嘗客遊歎夜夢不吉慮母有故馳歸母果疾得醫  
乃愈時有庭葵久謝復生之異歲荒穢價糶粟常  
曰吾親有遺訓貧人減一文錢卽省一分苦人咸  
德之

劉文潭字克涵北山後隆堂人生平守正不阿不屑  
與時俯仰通財豁息自急急人常被產以全義舉  
鄉里緩急依之子其桐國學生萬全萬達俱庠生  
湯采字一士夏陽人讀書喜善脩廢祠散餘粟排難  
恤孤有長者行卒年九十四子志一庠生



馬家祉字益受七都溪岡人好行方便乾隆癸亥邑  
饑家祉捐穀千斛賑之事聞大憲久旌以額其他  
善行頗多子繩德國學生

賀育瑚字龍田人性醇謹樂施予雍正癸卯連  
歲大歉出粟減價將所糶之金脩祠設渡不復爲  
已有兩庠上其事督學沈翼機有引年以德之旌  
劉大昂字上昭大社人慷慨喜施四隣交洽與其子  
誦俱有善行

賀廷柟字檀友龍田人樂施與族中子姪有勤學者  
尤喜成就

永新縣志

人物卷八

善行

六

劉士誦字畧輝三都千古洲人以例監考授縣丞睦  
族恤隣不吝所與舉鄉飲正賓子景勳貢生景煦  
太學生皆進士彥登後裔也

周世守字垂遠大嶗人捐金賑恤以周貧乏鄉隣推  
之

劉之葉字映南雙溪人歲荒散穀直貸不計息撫孤  
建祠築南洲橋生平義舉頗多子砥柱國柱並入  
庠序人以爲積德之報

陳表言字品士世居東里長塘爲人慷慨好義解囊  
以救鬻子之急者復當其人焚券以示不償意兒



第八人表言居長每引不聽婦言相勸猶有義門之遺

劉匡國字孟伯三里塘人性渾厚粹然有德遇歎平糶卹族周隣子觀祿有義行能繼父志

劉光汝字毓先東關溪石門人幼讀書以親疾習岐黃術嘗捐施丸散著有醫案行世卒年八十

劉世善字楚重大社浪湖人生平好善分粟以撫人之孤邑令蔡灝學旌以德厚福綿

劉中杞字儕榘炎村人秉性醇厚十三補弟子員屢試前列生平恤孤矜寡濟困殯貧年躋八旬兩庠

永新縣志

人物卷八

善行

七

請於督學旌以令聞純嘏

劉世德字駿發西鄉沙堤人事父母孝居喪行古禮稱情而立文同爨百口內外無詐語善聞於鄉舉飲賓子日章元選日晡俱列膠庠

劉簡字進廉大社人生平力學考授縣丞處鄉黨不惜貲財多義舉而未嘗責報子景清貢生

劉世鍛字仲英祖居城北袍田家饒裕好行善事賑荒痊露脩路駕橋每捐囊爲人首倡子朝聖貢生賀建樞字令采龍田人居家篤友愛賑恤子姪之貧者多賴其婚娶築古陂廣資灌溉鄉族稱之



龍永臺字鳴協西壇人賦性樂周恤建州脩譜代錢  
解人之紛族隣以鄉飲舉

賀嘉紋字燦以汴田大橋人逢荒歲糶常解囊以救  
溺水人當事屢有匾旌年八十而終

江竣實字禹三東山田龍溪人墊漕還金恤孤爲置  
其產好善不樂有名子慕柳癸卯舉人

顏錫圭字謙受浯溪人幼孤事母孝讀書敦善行散  
穀濟荒佈藥甦病當事多有匾旌子希孔拔貢希

禹武舉希聖希誠庠生

左景清字惠友麻田人兩脩宗祠割糧賑祭恤旅人

永新縣志

人物卷八

善行

八

喪遇荒糶穀不計直永寧令奚璞成有傳

曾之命字寄百高橋人醇厚喜善倡建橋梁平治道  
路減糶賑饑年至七十足未嘗一躡公庭

顏于快字坦士臺上人豪邁好義嘗推已分所得產  
佐其兄力學歲荒糜粥以餉鄉鄰之老病者東關  
外有巖蠟石陂被水冲决于快捐囊倡復之

劉生節字堅山仰山人生平搏衣儉食以所積除道  
成築築亭煑茗利濟行人車嶺一帶至今號康莊  
焉子世選世達世進皆國學生

周廷材字廊弼武生厚田人家非豐也性喜施予一



生奉法守紀樂輸錢漕為地方勸卒之日猶手書  
急公二字以遺子孫

劉匡固字兼三城西三里塘人事親甘旨多從辛苦  
得嫂氏守節撫孤匡固代理其家事數十年始終  
無懈生平喜善樂施提學王為題其墓

巴啓昌字旭林江南人一生好德常解囊濟貧賑荒  
瘞旅為鄉黨所推子邦彥雍正丙午舉薦

曾貞疑字異三高橋人讀書有才畧家饒裕歲饒貸  
穀不計償壯歲往來浙閩楚粵間多交遊生平和  
易近人遇事復敢言為眾折服年八十

永新縣志

人物卷八

善行

九

羅光國字尚賓騶岡人家非素封而見善喜為年八  
十猶手一卷寒暑不輒邑令黎芝匾其齋曰耄而  
好學子維藩邑庠生

文斐光字煥邦錢市街人為人公直能與人解爭生  
平施棺瘞旅脩橋利行尤多善事管理社倉出入  
有方為同里推許邑令蔡學有盛世人瑞之褒年  
七十有五而卒

龍詔堦溪人循循禮讓不與人爭族之貧而無告者  
緩急相通而不計其償每常教子弟勿聽婦言而  
私貨財以啓闕墻之釁暮年杖履優游怡然忘老



嚴有長者行

劉攀六市田人居心淳厚有推解之行而不矜其德鄉人誦之當事屢有旌匾子接宗國學生

龍鏡字懋德高塚新塘人好善而不豐於財施棺給貧脩渡以便行旅兄弟六人父手田宅悉讓昆季鄉隣有爭者出片言以解之無不折服卒年八十

一  
金殿宰龍王橋人邑庠生平居重然諾敦信義以所積通財卹貧里恒待以舉火郡尊蔡某有好善樂施之旌

永新縣志

人物卷八 善行

十

曾班字顯奇大岡人謹厚撝謙而施予無吝有寡人長不能婚死不能殯者常捐資助之教子孫守法度無事勿踐公門

劉眷爾字應昌花陵人性恬淡樂易行功過格四十餘年家無餘貲而喜濟人之急遇壇廟橋梁廢墜靡不率先募建晚以德行重鄉里卒年八十子見龍庠生

劉吉士花陂劉石人性慈祥好善處族黨誼意逼真有雀角者求直每出片語折之無不冰釋其事鄉評重之



顏慶魯字省三東里臺上人讀書敦實行尤樂施子  
矜煢獨邑人舉鄉飲知縣張景齡式廬以致匾旌  
焉卒年八十二

吳士琦字若虛富頭人性善樂施獨建祖廟廣佈橋

梁壬寅歲歎捐穀千餘斛以賑饑人知縣張城守  
邢俱有匾旌太史帥蘭臯贈有詩子挺秀國學生

李士標字天培泮中人秉性慈祥行已端方李本巨  
族每舉事必質於標乃畫一歲已未邑饑甚潔祠  
煮糜以賑餓者匝一月舉飲賓黎令為表其門

吳仁禴洲湖人邑令夏之時有孝友端方之旌

永新縣志 人物卷八 善行

劉永昌字士英本姓左逢橋靈塘邊人孝友正直好施與子特選國學生

史弘道字莘偶饒潭人募墾認糧廣行善事子朝國學生能守家訓

劉璞生字鑑萬墨莊人公平樂善常倡建禱雨祠為地方祈穀蠲田賑渡以利行人

巴光秀字若水路人築塘以資灌溉建亭以憇行人

段泗寶字唐英貢生北十都井下人文譽籍甚生平周急濟困尤多善行子蕩平邑庠生

賀廷安字克靜例貢龍田人有至性癸亥歲歎捐賑社穀七百石知縣王瀚旌以惠溥鄉邦年七十子四俱例貢

周松字任千建祠修路不吝所施邑署令張曉有德徵三多之褒發開市人

劉道字溶江人存心醇厚見義樂為子儼庠生

劉永福大社人濟貧修塚一出寶意



賀廷楨 字克士好學端行子天樑

左垂綸 例監麻田人

左宗發 字其長麻田人制行

李福遵 字則先小水人慈惠端方恂恂儒雅委

賀慶元 字石亭岸生龍田人受業

劉宏通 大社人倡戢虎

樊鵬棲 字南舒烟岡人還金於吳

賀祚昇 龍田人三赴鄉飲

周定祥 字彬士發闕市人

賀孟林 字爾梗龍田人性

永新縣志 人物卷八 善行

賀慶夔 儒官與弟岸生舉捐

尹安文 泮田人

周至徵 夏洋人

汪洪 縮石市人

賀起鴻 字羽吉有積善其女

劉超遠 字其則龍田人正直好

賀振孫 字小林岸生龍田人兩列

唐范更 古竹人

劉榮 字仁友十二都劉家

劉策 字闡士太學生

劉斯越 字冠英汶水人好



陳起鵬

字博飛 硯溪人 好善樂施 有三子 多之 燮 係 歲進士 開元之叔

龍朝選

飲賓 材溪 湖陂人

劉大略

花溪人

左鳴琰

合東人

劉巨浪

樟楓人

唐繼楫

古竹人 樂善好施

湯瓚

夏洋人

曾昌樸

平五 鄞人

唐亦彬 古竹人 朱雲祥 邑庠生 好善樂施 北一都中溪人

尹是珂

環溪人

永新縣志

人物卷八

善行

十二

尹徒

環溪人

陳爾佑

橫江市人

尹長涓

飲賓 樓背人 孝友成性 惠恤族里 督課以成子孫

蕭文越

飲賓 神江人

蕭如藻

飲賓 湖塘人

蕭國鶚

飲賓 湖塘人

曠班

飲賓 北鄉 新田人

李世治

飲賓

陳存理

橫江市人

劉允援

飲賓



尹煌字端人發開市人

湯儒字思達飲賓是洋人讀書立品教子成名

張詞字學山東里八減價平糶恤貧還券子名揚各教四學生名攜邑庠生

李世俊斜埠人

曾琢仁大岡嶺人

曾攀桂字步青大岡人慈祥好善恤孤憐貧捐囊樂施命子叶堯倡脩九邑總祠

文士超固塘人樂善好施嗜學不倦子光國太學生

周國璉東七十都燕溪人

按唐梁肅謂議名之道宜取所長捨所短嚴郢謂故相呂誣子孫佐吏不得以字少稱屈又云二字

永新縣志 人物卷八

善行

十三

不必為褒一字不必為貶合二說以論人蓋有示勸不得不寬而紀信又無庸濫及者焉夫人亦安得全行哉但有一二事為隣里族屬所推許即可載簡冊以樹風聲冀志於善行一無所錄王志始增一則邑人以例來請予仍之十錄其五亦古人善善之意又舊志謂永新民多嚮義日可激以義義豈易言哉畏於道者從容赴之否則務豪矜節騁詐驅愚兇威而擅武斷一變而為俠再變而為盜椎埋屠狗輩皆得執一說以求逞害遂不可言矣邑人喜談壽夫兄弟左善父子事彼固處末



流而值人事之窮也若乃世際昇平服先疇者有  
酒漿璫珮之樂無豪強兼并之憂利興害除有司  
奉令唯謹凡上書妄言者禁今日宜敦族恤鄰戒  
乾餼箕帚之失勉爲善人足矣有何仗義可云予  
無史遷才不敢爲游俠作傳貽後世誚且自癸亥  
迄今更無籌夫左善其人其事故輕財分粟者概  
以善行紀之正爲嚮義而不畏於道者慮焉耳

隱逸

宋魯若川字巨澤紹興間以書領江西鄉薦退隱不  
仕徵五經各需開義學以延四方材俊前後來學

永新縣志

人物卷八

隱逸

又十三

者近千人所成名士甚衆

龍仁仲字德長自少俊邁倨出強記博覽築舍義山  
下日與鄉老宿觴詠其間外事了不相識涉善詩  
有義山樵唱若干卷

張熾字仁叔通經史敦行誼始舉鄉賾時事日非卽  
退隱東山與劉友益胡幼黃輩爲詩文交邑大夫  
間以政事往質匿弗見所相與非深知鮮覲其面  
時語曰南國無威鳳東山有臥龍

文公行字正道性軒豁以詩領淳祐癸卯漕舉隱居  
固塘不出雅以詩酒自娛信國過邑省族爲扁其



堂曰六義貽之以詩予六人竝有闡於時

〔元〕陳煥章字春成一字宗周禾山泮塘人明蔡氏書累舉不第隱居白雲峯下絕意進取與吳莘樂湛碧虛爲詩友所著有白雲集雲陽李祁序其人品甚高爲一時所景重學者稱首春先生

宋禮字伯循早孤撫其弟友愛元季兵亂雖在奔竄中未嘗一日廢問學明定天下隱居不出間從劉雲章游談說理與至忘寢食作東齋秀溪之上邑大夫政有疑難必往諮決性剛果不妄交人有非輒面斥之爲衆所憚然亦鮮不心服之

永新縣志

人物卷八

隱逸

十四

〔明〕段所字原中性峭直高朗善詩居山中鑿池架屋日吟詠自適其間人稱筋軒先生所著有鷺股集龍心源序之摘其露冷銅盤秋色老天際銀河一絲小之句謂可追李長吉遺調云

龍汝能字禹成少歷難屯敦行孝友邑屢召賓飲辭以疾劉石潭劉本庵素慎許可獨嘉汝能高致爲傳贊擬以魯申公而稱其不憚先評事之風僉事遂乃其元孫也

甘彥字士美公亮父也幼孤依兄居稍長分授父產多寡無所問教士鄉閭先德行而後文藝故出其



門者多知嚮往子公亮既貴布素無改於平時  
按彥教授子弟瞿瞿矩範中家故貧雪夜擁爐談  
經幼者或告饑則卽爐煨芋止啼坐久小酌酒酣  
誦五柳傳及歸去來辭至不戚戚於貧賤則長吟  
不已家人間述隣家烹庖醉飽聳躑之彥曰此易  
耳得我清福爲難語在東郭先生墓表中

陳元倫字五敦東里人居柳溪溪處以詩酒自娛不  
問戶外事學士辭縉嘗踪跡之謂其人如玉樹臨  
風而詩亦似之自號柳溪居士雲宏圖生有夙慧能

讀父書遭甲寅滇藩之變貧無以存遂棄舉子業

永新縣志

人物卷八

隱逸

十五

習刑名錢穀熟識當時之務遨遊四方幾二十年  
著有苦苦海草一炬集東山雜著觀海集諸作行  
世卒年七十八宏圖字東山一字聖則

陳宗祿字在中東里長塘人博極羣書而尤邃於易  
嘗曰人心一太極善解易者以易解不若以心解  
蓋其寂然不動者陰也感而遂通者陽也動靜無  
端卽陰陽之互根也五性感動而善惡分萬事出  
者卽吉凶悔吝生乎動者也其說甚明快當明懷  
宗末年時事日非乃撰著得漸之上九遂云乃翁  
其休乎一意隱遯以裁成後學爲已任著有義山



樵歌三卷易經極說八卷副使劉公光震爲之序  
卒之日學者私謚爲文節先生

尹珏字天湖大路人素行醇謹讀書不求仕進遁跡  
山谷躬耕以養親晚年究心性命精微之業爲當  
時名公推許

譚穀字恭士里田人髫年卽能文詩歌辭賦具有清  
機雅度隨其所說能令人消粵西荔蒲令許之豫  
馳書數千里聘穀掌教書院示諸生數書徃復諄  
切不失大匠矩矱蒞之風氣丕變者皆穀之力也  
生平敦行重義其在豐城傾囊救溺一事至今猶  
永新縣志

人物卷八

隱逸

十六

有傳誦之者以不工書屢試弗售兵憲魯旅菴欲  
代薦之不屑所著寸玉集散人浪草孫尚清尚書  
刊梓以行

湯第字脣山夏洋人幼嗜學旁及天官地理黃岐曆  
律等書才畧優長而性耽泉石嘗集鄉勇捕吳逆  
餘黨又瀕河多盜以程子所治扶溝法請於令行  
之而效居喪循古禮雅不喜佛老作闢佛語訓後  
書法絕似鐘王學者珍之

劉元珍字殿英善行達也之孫貢生光錫之子也八歲  
通經學十三冠郡童子軍終不售遂絕意名場杜



門踰二十年著作盈千執祖喪哀毀成疾以布衣  
卒子喬國安國刊遺稿得如心草可留集行世  
賀偉字選子宋詩人菊軒公後博貫經史尤長於詩  
刊有二益齋稿爲人純謹端介矜式鄉閭老於諸  
生士論惜之稱爲逸庵先生孫毓傑邑庠有聲  
劉濤字耦瀾二都雙溪人以古學教授湖南歲得館  
穀歸以養親晚著家規十餘則子吉登庠生  
曾廷蕙木柵人篤志力學皓首一編自築放懶樓與  
邑之名人詩文相贈答年九十時邑令張景齡慕  
其高潔贈以眠竹一叟之扁

永新縣志

人物卷八

隱逸

十七

**寓賢**

唐姚崇字元之陝州硤石人唐宰相世傳元之父嘗  
宦蜀中元之隨母寓邑留不去少讀書禾山甘露  
寺及元陽觀故寺有其祠而觀側讀書臺墨池之  
蹟至今尚存又縣北十里有聰明泉或稱元之嘗  
舍泉畔又有姚母塚在學宮左十五步

牛僧孺字思黯涇州鶉觚人世傳思黯祖仕唐爲幕  
職自交廣罷歸至郴衡間爲寇所掠惟思黯母子  
獲存遂築舍依姚相故址以居母終塋才德鄉大  
學里元和初隨計長安以賢良對策居上第累官



至宰相

永新稱相鄉舊矣獨唐二相寓迹世疑史缺而破石鶉觚去邑數千里不宜游迹之有及也意其事殆流俗之軼傳與余不謂然史載大臣事多據其子孫家狀叅之當時所記述二相微時屢涉子孫家狀必多所諱矧非其平生最重者史何用殫載焉余考姚傳元之父善懿貞觀時任雋州都督雋在蜀西南極壤界接邊徼去陝旣遠舟車艱達守將受邊陲重寄當貞觀嚴辨之朝安敢不以家自隨姚所居在陝近郊淳河沂江取道入嵩爲順顧

永新縣志

人物卷八

寓賢

十八

上阻洞庭三峽之險人情所殫避幸其時永新省併於大和風氣曠僻無郵傳往來之擾擇是以安家室計莫有善焉者其後元之以孝敬挽郎應下筆成章舉所學殆先成於我邑已今其幼時讀書遺蹟尚存抑奚軼傳之足疑耶乃若思黯柳衡遇盜推舊志尤當無譌史稱思黯祖紹父幼簡皆宦卑則道出交廣之遠脫患而得茲土暫安卽前修故址寓居因景企以大成其學抑可占思黯之志望遠已事豈爲失實者再考姚傳元之爲鳳閣侍郎時嘗以母老乞辭職侍養則今所稱姚母墳者



似或元之諸母所殯藏道遠墓可無徙邑重其人  
故久識之弗泯耳若牛母墓在才德鄉往聞古碑  
猶存歲久沒溪谿間漁者猶能指其處塚傍故有  
牛氏之居宋牛宏宰邑自稱為思黯族間閱牛氏  
藏譜云與其家系合則思黯去永新卽擢登制科  
遺母墓弗徙而留其支裔守之事殆確然足信矣  
抑宋劉相沆嘗有四百年中三出相之詠其傳固  
昭灼古今本不足辯以時惑未解因誌著之

賀章字文明梁末會稽人晉司空循玄孫大儒賜子  
也少貧力學通三禮孝經論語毛詩左傳講授生

永新縣志

人物卷八 寓賢

十九

徒仕梁爲五經博士兼大學博士出爲湘東王諮  
議叅軍勸王於州置學王聽之以公爲儒林祭酒  
歷仕州郡公至孝常恨祿不及養所至俸秩不私  
妻孥及唐武德五年陞泰和爲南平州以永新等  
縣屬之時公改授南平監州清德廉明多善政遺  
愛任滿闔郡懷感臥轍攀留公因卜新之田東家焉  
其後子孫派分甚衆理學科名代不乏人  
擢以孝廉授初  
品爵昇卿任職布政御書讀書樓三字勅金牌以表之

蕭直汴州人世傳唐會昌間以功封永新縣侯晚遂  
家焉子昕咸通間任大理評事孫拱光啓初亦任



大理評事三傳至儼中南唐童科官大理卿  
尹濯汴州人仕唐廣明間爲平南將軍累功封鄱陽  
侯黃巢入廣詔改廣州刺史以靖其亂巢平留鎮  
洪州居洗馬池朱溫代唐既據汴而江南復久亂  
濯耻事異姓遂避地永新家焉歿葬縣治西二百  
步縣人思其德立祠墓前祀之祠今廢爲城隍廟  
裔孫尚書臺率族衆治墓改祠墓北子孫世修饗  
焉

張翊京兆人唐光化初授官番禺尉時劉氏據交廣  
翊棄官來居邑中翊善屬文嘗撰二妃廟紫陽觀  
永新縣志 人物卷八 寓賢  
及新興佛閣碑甚爲人所稱傳後對策入第授武  
騎尉弟惟彬中童科擢廬陵令

文時四川成都人漢蜀太守翁之後五代唐同光三  
年以功授帳前指揮使輕車都尉明年從征李煜  
下洪州留鎮江西常巡郡邑至永新愛山佳秀寓  
北錢市袁宅適石晉兵起恥時事異遂不復仕袁  
以女妻之爲文氏開基祖焉

張德廣名鉞青州人唐天復間授節度推官承討僞  
刺史彭玕方營寨壘玕卽奔馬殷以功封開國男  
監永新官滿因家之卒葬勝業鄉之金鰲山數傳



至孫翬錮衣冠接盛脩遇明堂恩賜帶邑遂稱爲御帶張家

林盤登嘉祐二年第歷山南東道推官轉文林郎守永新秩滿因家焉名其所居之地曰林家坊

甘廷珪先世由豐城徙建昌登宋紹興五年進士僉判吉州因家永新之逢橋今其子孫多振顯

陳應榜岳武穆表授叅軍從征楊么凱旋過邑卒軍中禮塋環溪子良友遂家於此派衍甚繁衣冠相續里人祀之稱爲陳將軍廟今遺趾尚存

汪克寬宋指揮使勅鎮永新留家北鄉八都鑿石後徙居西鄉爲洋溪京里石市三派始祖

永新縣志

人物卷八

寓賢

二十一

元李祁字一初茶陵人元統初舉進士第二人任元翰林供奉婺源同知遷浙江儒學副提舉後更亂遂避地永新上麓山中隱居不出自號危行老人千戶俞茂間延致事以師禮經生執業問難日接武於庭性恬淡不以物累自撰每遇佳山水輒散步臨眺忘歸意泊如也洪武初卒有雲陽希蘧等集行世

俞茂字子懋江南徽州人明初任永新守禦正千戶政績詳載武勲子奇一奇六留家城內東北偶令



邑中城鄉俞姓皆其裔也

郭持平字慎修登正德丁丑進士歷官刑部尚書有  
宦績晚年解組歸以所賜金敦族恤隣常往來禾  
峰義水間以大泉郭鐸系出一本兼喜其地幽邃  
遂由萬安徙居至今後裔蕃衍稱文物鄉云

左鄴

丹陽藉官衡州司馬  
流寓逢橋

周南

成都大守流寓  
東溪曹下

列女

五代吳媛唐史臣兢之後歸段氏生乎期月而夫卒  
年二十二父母兄弟憐其少皆欲嫁之媛引釵刺

永新縣志

人物卷八

列女

三十一

目乃止教子迄至成立韓熙載使江西錄其節以  
聞之朝

宋顏氏詡姊段鵠之母也寡居耿介嚴肅鵠才學有  
聞皆母所訓勵邑人嚴重之

譚烈婦趙氏宋宗室女也德祐末江南既入元永新  
獨城守不下宋叛帥有劉槃引元兵破城趙抱其  
嬰兒舉家匿邑校大成殿中為叛兵所執殺其舅  
姑及夫脅趙使從已不可臨之以刃曰從則生否  
則死趙罵曰我良家子寧從舅姑與夫死耳豈從  
爾狗鼠輩生邪遂與嬰兒同遇害血漬殿兩楹八



磚間爲婦人抱嬰兒狀磨以沙石不滅復燬以熾炭狀益顯入明事聞詔立貞烈祠春秋邑長吏蒞祀事

**元**龍氏左幼白妻年十九幼白爲江西廣洋庫使至元丁丑從元兵攻廣海卒於軍龍氏出貲託親黨迎幼白柩歸塋剪髮誓孀守居喪時嘗折海榴置靈几瓶中旬日枯卉復生因植之庭日長茂翰林承旨歐陽玄爲書榴萱字扁堂櫺有司以聞詔旌其閭

李氏涪塘彭九萬妻至正壬辰紅巾寇亂省掾陳允永新縣志

人物卷八

列女

二十三

中辟九萬行軍鎮撫九萬馳牒上官嚴設方畧待之李趣具食勞軍戰大捷寇退居民安堵明年十月湖北五溪苗獠詭辭助順突入城焚掠死者相枕籍李及其子友諒女秀瑛俱被執驅之行不從脅以白刃罵曰狗彘吾死則死耳豈汝從遂母子竝遇害

李氏危元真妻甫二十二元真卒李誓守不貳夫家旣受富人財逼之嫁李引刃欲自殺乃止生一女朝夕共績紡以供食後嫁其女積贏錢萬餘緡建南平石橋



明劉氏棠市江繼文妻繼文娶劉三年卒子玉琳生始八月劉守節撫玉琳長勉以學後擢進士有司以聞詔表其閭年八十餘卒學士楊士奇暨在朝薦紳大夫皆頌以詩知州柯暹撰貞節碑兩經燹變碑獨不燬隆慶間碑後宛然露婦人狀後嗣怪而磨之不泯久益顯又有劉氏東里顏禮妻夫龍年二十無嗣氏樟視劉攸妻夫湯氏貢士劉陬妻夫李氏樟視妻知縣孔愚之李氏知印賀備妻夫朱氏千戶高母夫年二十一劉氏李揚妻夫年二十誓守其兄受此人聘欲強之嫁劉自縊而死無子此七人者有司先後以聞詔皆旌表其閭光顯矣其

永新縣志

人物卷八

列女

二十四

未旌者復有歐陽氏二十餘人焉

歐陽氏適李宗輔年二十而宗輔死無子矢節不貳夫家貧靡依乃歸與弟姪居育弟之子以終老族中婦有寡者皆慕效其節多至十數人婦勤苦自給後積餘財以修譚烈婦祠及赤欄橋

陳氏廬陵故族其父儀為太守自邑之任過棠市劉氏以陳許聘其子持陳氏年十八歸焉時持久痠痺不能成昏禮陳竭力扶持越六歲持卒誓無更志母給之反舍徐諷曰汝猶未字女也奈何欲效人為節守耶隣有勢家子密通媒間使老媪伺隙



意而未敢宣也陳逆虞有他遂乘夜携二婢走河  
渙取簪環募舟西反計不得舟則自沉耳適遇持  
鄉舟至乃夜左道避偏岸追者不能得竟脫歸自  
是閉處一室雖家子弟亦罕覲其面矣陳貌昂整  
類偉丈夫然每見男子衣物輒嘔噦不能勝歲遇  
夫忌哀哭如始喪日比老猶然年八十六乃卒又

有楊氏 仰山劉文安公子劉 龍氏 劉編修子傳妻

左氏 仰山劉稠妻教諭宏 戴氏 環溪尹希重妻夫

碎石香爐誓守外王父劉 吳氏 庄原龍洪妻夫

顧氏 東里廩生張楷妻夫 湯氏 袍陂張綱妻 李氏

永新縣志 人物卷八 列女

市田彭槃妻夫 曠氏 樟楓劉臣妻夫 朱氏 沙溪史

十四年二 賀氏 厚田周潘妻夫 亦效賀守節御史劉

陽傳其事士 王氏 達鏡賀符妻夫 年二 劉氏 文

夫夫歌詠之 周養清妻夫 年二十一 王氏 琥溪賀誨妻家貧

當道下有司歲給布獎之 鴻謨有艱貧 龍氏 樟楓劉慶芳妻夫 年二十 譚

貞節之獎 朱建 吳氏 生員賀鑾妻 尹氏 城西李漆妻夫 史

氏 龍瑞妻夫 年二十二 賀氏 彭溥妻夫 陳氏 劉勤禮妻

五此二十三三人者雖未被褒旌之典然其節固照

耀人耳目世共稱敬靡間然者也中若歐陽氏之

惇婺孑立化行族黨陳氏之淬身處女危險不易



志卒皆自振鱗白嚼然完其節於艱棘中殆古今所難及矣

舊志論曰詩首國風詠述女婦行事詳已自二南化微末流所及難言焉中間以節行稱柏舟之外蓋無聞至遭亂世能毅然自決於危變尤不一二概見夫致命遂志固烈丈夫之偉事而可求之閨闈笄聳之人與茲邑自吳媛釵目誓義事載前史三百年後乃有譚氏婦其烈與嘸王氏相炳耀天顯厥迹於殿之楹使之扶世教不泯故其死未幾彭九萬之妻復鬼鬼傳烈聲乃後邑境之以節著

永新縣志

人物卷八

列女

二十六

揚者多至數十輩儼盛殆過於詩書之世豈非天常在人心不以古今或異其興起之固存乎人邪彼衣冠之秀民乃或甘棄節義若弁髦曾女婦之不少若覽是亦可少愧矣哉

史氏龍瑞妻年十九矢志守節邑令龔錫爵請於上旌其門曰貞節

董氏譚小相妻携幼子從夫避亂仁慈山遇賊脅之弗從臨以刃同難者勸以苟免董以子授夫披髮罵賊俛首就戮以全其節歐田石泉人

尹氏張邦載妻庠士張士瓚之母也年二十二稱未



亾人撫遺孤形影相弔舅姑父母欲奪其志矢志  
靡他茹荼三十年如一日邑侯管公正傳以從祀  
譚貞烈祠請督學下牒如議永新舊祀八人得節  
婦而九同邑肩吾劉先生撰配祀節婦碑文

顏氏李命之妻夫好學婦勤紡績積資聚書朝夕勸  
勉力學年二十五夫病婦日夫以苦讀得病死當  
以身殉及夫歿誓守有欲議婚者婦引刃自決家  
貧力支十餘年長子病死婦亦一號而絕卒年三  
十六

劉氏周嘉貽妻劉聘君瀘瀟妹年十有九夫死臨窆

永新縣志

人物卷八

列女

三七

哭慟取石投穴中曰所不與君同穴者有如此石  
撫孤子垣以哀毀成疾垣六歲劉不起及垣戊午  
登科道院旌其節

賀氏金長元妻年二十二守節方持門戶繡佛若空子  
士駿孝行素著孫映登甲午科又有甯關運妻賀  
氏李士表妻王氏湯汝退妻劉氏龍庭學妻羅氏  
周養清妻劉氏曠秉和妻劉氏郭鳴鳳妻劉氏賀  
輔妻李氏陳魁吾妻文氏龍宏子妻王氏尹志尚  
妻劉氏劉進甫妻王氏李欽嘉妻彭氏蕭建謀妻  
尹氏尹生俊妻王氏徐欽贊妻龍氏陳兆節妻李



氏劉友鳳妻尹氏庠士江化鯉妻宋氏鳧村早禾  
田周德妻朱氏龍大綬妻文氏又死節炎村劉石  
標妻朱氏姚一鵠妻劉氏皆宜書之以示勸者也  
顏氏邑西麻田左大器妻年十八歸左左固儒而貧  
者丙戌冬夫爲逆寇執去顏日夜號泣禱曰脫不  
幸而吾夫必不免於難也神其遷禍於吾躬無夫  
則無子子無何有吾夫存則子存吾弗存存等耳旣  
而夫得脫歸顏扶持走避山谷顛墜阬岸屢濱於  
危勿恤一日賊突至倉猝失散顏趨至麻蜀江口  
赴水死時丙戌臘之十四日也先是顏常語人曰  
永新縣志

人物卷八

列女

三

婦身如白璧豈容玷翳使吾遇兵當頸血染地不  
然寧赴江流而死耳則顏之烈固其素志視倉皇  
失措相逼而然者有間邑有搗石顏氏爲魯公後  
世居平原村婦卽苗裔也

劉氏貞娘周九貢妻浙陰令廷諫孫女也歸周甫七  
日獻賊至姑悉呼輿人舁新婦走劉曰姑在雖倉  
卒何敢廢尊卑禮姑登輿去免難賊執劉誘之不  
從賊將褻其衣皆密縫不可解賊刀刃亂下四肢  
支解而衣上下密縫不斷如初人以是知劉志已  
蚤決云文江同族殿撰劉公同井吊以詩曰手把



重綈密密縫出門罵賊死從容泉臺不怨新婚別  
廟祀無慚茂宰封作女曾聞天上謫爲雲羞向楚  
山逢傷心鬻死驚竒節何必男兒始亢宗

劉濟滂妻尹氏抗節罵賊死邑人劉作楫爲長歌挽  
之其詞曰天地皆春夏松柏不生光芝焚蕙亦折  
蒲柳偏凌霜當其結襦日明誓永不忘一旦罹喪  
亂赴難不倉皇再拜辭妯娌長跪謝姑嫜卽存與  
俱存卽亾與俱亾鴛鴦會雙死同心敢參商義兼  
情並至于秋淚亦傷血染清波上湘娥吊紅妝亂  
日安樂易親禍至無隣明月自蘋秋風起胡不視

永新縣志

人物卷八

列女

二十九

此閨中人

湯葉娘夏陽庠士招賢之孫女也年十三母許嫁匪  
人女宦族恥之私謂其隣母曰不從母命是逆吾  
親也從母命則辱吾宗吾知所以自處矣是夜經  
死面赤如生黎公士弘往祭立碑題曰湯烈女之  
墓

賀氏劉子顓妻己丑六月有步騎千餘圍沙陂劉姓  
執賀氏大罵求死騎怒箠之不死縛而牽之行至  
洋埠江邊卽躍入江中騎彎弓射之一騎止之曰  
已死勿復爾也邑人義之



朱氏左與國妻獻賊入永新大索山中執朱欲犯之  
臨以白刃不從有僕汝念者度主母義弗辱請以  
身代賊怒斷其頭欲以威脅也朱乃仰天大呼罵  
聲愈厲賊遂刺刃於腹腸出而罵不絕復截其舌  
事上聞廟祀於茅坪蓋其死所也

賀氏貢士金瑞生妻癸未人傳張寇殺掠湖南婦女  
罕得免者賀聞之謂姑曰吾若當此義不受辱十  
月寇突至夫抱幼兒婦牽夫袂倉皇奔避至袍陂  
渡頭望見寇騎婦曰好抱此兒奮力絕裙躍入忠  
義潭縣令黃公旌其門曰節映寒潭

永新縣志 人物卷八 列女

劉氏舉人周振元妻素嫻內則癸未張寇抗節不污  
被刃而死邑侯黃公受封具詳兩院扁賜節礪堅

金

劉氏朱海清妻周氏朱挾妻順治三年有盧白兵過  
兩家載舟避之兵悉渡河二婦躍水而死

賀氏烟岡樊紹聖妻姑老齒落艱於食氏力致甘軟  
奉之而自能忍饑以十指作苦順治間土寇竊發  
隨夫避難於邑之黃洪三板橋邊俱被執氏詒曰  
釋吾夫我願隨去寇如其言氏目送紹聖走遠不  
及追遂冒刃狂罵而死血濺田中至今種稻不生



年生文燮枝芳隨征滇南以功授前職三載卒於黔葛携幼子奔喪歸葺城西之故廬而處焉日以杜門課兒爲事值嘉珍改鎮南澳賢其節遣迎再三而後徃文燮遂以官籍入饒平學葛念夫骸未葬仍還邑鬻產以治其窀未幾文燮以歲試赴潮陽觸熱死葛聞訃勺漿不飲大呼家人曰吾爲哭子殞命徒令重以不孝辜也但今日撫孤無成義不當生誓期餓死以從良人遂盡出家財散與族人家人勸不聽曰吾之忍饑待斃足矣若如此是迫我以引刃自決也衆乃設几筵生祭之觀者如

永新縣志

人物卷八

列女

三十二

堵神色不動餓至十有五日骨節稜稜仰天長吁而逝年四十有八作有絕命詩二首至今尚有傳誦之者

朱氏小字綠英涇塘唐士光妻夫亾年二十三家貧無以資生惟治園圃勤紡緝爲母子度日計康熙戊午有草寇張和尚壓境居民千餘聚守其地之真君廟後被圍屠戮殆盡執朱氏去脅以刃氏詒賊縱子賊怒割其兩耳氏延頸相向曰吾子得生吾已有死所矣割耳何懼此身斷不可污遂忍刃全節而死



陳氏城西三里塘劉匡勦妻年十七適匡勦二載夫  
歿氏絕粒投環誓以身殉髦姑泣諭終養乃強起  
茹荼撫孤以供婦職苦節三十餘年雍正二年知  
縣蔣文起請給帑建坊入祠

劉氏斜陂生員龍晟妻夫亾年二十六剪髮封棺示  
無異志守節四十八年柔德堅捺孫夢徵郡庠生  
史氏平分生員尹良佐妻夫亾年二十五與妾江氏  
共矢柏舟教庶子不啻已出躬績以佐修脯守節  
四十年知縣夏之時有白首完貞之獎

周氏歐田尹可定妻夫亾年二十二刺指立誓撫週  
永新縣志 人物卷八 列女 三十三  
歲子善事髦姑備極孀帷之苦守節五十五年現  
年七十七歲

朱氏梅花監生彭慶來妻夫亾年二十二生孩六月  
熒熒孤寡織紉自贍守節二十八載而卒知縣張  
景齡給扁旌之

左氏梅潔北四都泓溪庠生龍雲登妻夫歿以翁老  
子幼忍作未亾人三十餘年翁卒以簠金付氏氏  
曰翁爲孤衣食計則有氏十指在若爲孤安全計  
願以此金散之族戚之貧而無告者其器識不讓  
李景讓母焉雍正二年知縣石廷輔爲請給帑建



坊以表其節子際聖邑庠生

陳氏蔗田左章五妻年十八生子紹誨甫四月夫死氏斷指以誓一醮之不改一子卑傳四世七孫干辛成育苦節五十八載督糧廳署知縣事陳某旌以歲寒松柏

周氏曠莪佩妻年十九夫歿無子執義自誓哀慟昏仆幾絕以幼女在襁褓飲藥茹蓼歷苦不改其搯現年五十歲知縣朱懷棧以截髮自矢旌之

龍氏清塘賀亦松妻松以苦學卒氏年二十八堅志守節建最上樓課諸子隆遇隆平隆治皆得補弟

永新縣志

人物卷八

列女

三五

子員

尹氏劉應濂妻夫亾年二十七撫姪繼夫後堅志食貧紡績自給守節四十五年卒年七十有二

劉氏洋陂庠生尹中幹妻夫亾年二十二苦持清搯內行修飭守節四十五年撫其子有成

陳氏洲尾尹思涵妻善事舅姑門內從無諍言夫歿年二十七矢志茹藥教子成人

尹氏清塘廩生賀淳繼室夫亾年二十八撫前室子國學生勗登無異已出親子勗秀勗迪能讀父書皆氏義方所成



賀氏湯籌妻讀書知大義年十九夫歿矢志教子每  
女紅暇聚服屬少女婦講內則列女傳相誠勉宗  
黨有女師之稱雍正二年知縣李紹祖循例請給  
帑建坊置主入祠子儒官

譚氏小字茜西壇龍永慶妻年二十六夫歿剪髮盟  
誓以撫其子供堂上甘旨無少缺如永慶生卒能  
義方有成雍正四年知縣李紹祖請給帑建坊城  
西卒年八十有六祀於祠子光晨太學生

李氏袍陂龍起範妻夫歿年十九外家勸之他適氏  
怒以沸湯破面嚼指滴血誓無他志姑病值歲荒

永新縣志

人物卷八

列女

三五

李拮搨藥餌日不食者再姑壽卒竭力喪塋守節  
凡三十餘載雍正四年知縣李紹祖請給帑建坊  
祀於祠子上哲

耿氏小字爵陳蟾枝妻年十七歸陳陳性激烈耿柔  
順將奉怒無不釋值鼎革之際家遭橫逆男子潛  
匿唯耿與妯娌支門戶每悍卒至先待以禮猖獗  
則以死抗之終不爲害翁姑早逝逢蒸嘗必展像  
曰妾不及生事哭奠成禮見者泫然蟾枝卒耿年  
廿六遵遺命教育二子縞衣茹素數十年如一日  
嘗語人曰女不可溺亦可倚賴若老身當年不育



外氏公婆其為若敖之鬼也所言造福不淺子智言罷廩生兩舉鴻博不就學使金以事毋篤孝優行達部次子國訓怡怡古處耿以雍正四年

旌表卒年六十有八見祀節孝祠

劉氏清塘賀奏勲妻夫亾誓志撫孤延師課讀備歷艱辛卒能成立子弘業庠生請於有司給帑建坊奉主入祠

江氏龍協萬妻夫亾年二十四堅志守節歷艱難不變撫孤成立雍正六年知縣邵錦倫請給帑建坊祀於祠子上廸孝友端方慷慨尚義皆母

教所致  
平分人

永新縣志

人物卷八

列女

三十六

左氏汪振飛妻年二十四夫臨卒以翁年逾八旬囑以奉養氏竭力供甘旨及喪祭塋合禮撫二子一耕一讀克成夫志守節四十八載乾隆八年知縣王瀚詳請給帑建坊祀於祠

洋溪人

尹氏虹橋甘世琳妻夫死家無餘積守節三十餘載事翁姑先意承志惟勤苦以奉饗殮撫孤有成子稽訓國學生

朱氏劉士錫妻年二十七夫歿力貧苦節以事舅姑鄉里並以孝稱雍正九年知縣朱懷棧上其事給帑建坊祀於祠子廷松



蕭氏西溪汪季山妻年二十五夫亡誓從地下勉從  
翁姑命忍死撫孤二老皆享高年身後事凡殯葬  
虞除循循有禮是能以婦道兼子道者雍正十二  
年知縣黎芝請給帑建坊於北街子希顏奉主入  
祠

朱氏古竹唐尚寶妻夫亡年二十五日夜哀毀死而  
復甦者再斬指以誓靡他卒能撫孤成立現年踰  
七旬苦節四十餘載乾隆三年知縣黎芝爲詳請  
建坊祀祠子繼洵國學生

張氏城南發關市邑庠生田瑞龍妻夫病氏欲罄產  
永新縣志

人物卷八

列女

二十七

求醫龍慮產無所遺無以爲撫孤地氏誓靡他且  
云異日泉下相見自有明心時也瑞龍卒氏年二  
十食粗衣敝者二十八載璵寶其子也

賀氏巴惕若妻夫死青年誓志備嘗艱苦教子以底  
於成乾隆八年知縣黎芝詳請給帑建坊於西鄉  
江南

尹氏樟規劉倪軒妻夫歿氏願從死家人伺之不少  
踈徐諭以母在子存乃止自是搯持家政訓讀兒  
曹一門雍睦歷三十餘年無間乾隆十年知縣王  
瀚請給帑建坊



劉氏泚田監生吳符妻夫亡年二十五撫孤聖作充  
上舍生及卒又撫其孫成立爲劉氏兩世搢持三  
十餘年其節更有不可沒者

尹氏關溪嚴楚士妻夫死堅志守節母子熒熒相依  
晝夜紡績積三十餘年之苦撫子有成以繼夫志  
乾隆十年知縣王瀚詳請建坊

張氏斜埠李季卿妻年二十夫亡矢志不貳躬紡績  
以奉翁姑養生送死備極心力訓子有方邑侯張  
士琦旌以彤管流徽殆不虛矣

劉氏厚塘文邦衛妻年十七歸邦衛奉翁姑唯謹夫  
永新縣志 人物卷八 列女 三十八

歿絕粒數日幾死以子運綿甫半歲勉起撫之茹  
荼噉冰守節四十載卒能教子有成充太學生乾  
隆十年邑令王瀚詳請

旌表督學陳象樞爲之傳

王氏鄧士昂妻年二十三夫歿咬指盟心事舅姑盤  
匱躬執喪葬必誠必敬撫其子以底於成守節三  
十九載乾隆十年知縣王瀚詳請

賜鈔建坊子泮涓設主入祠

彭氏左盤蔭妻年二十一盤蔭故氏矢志殉姑以三世  
卑傳諭其撫孤口授孝經論語子敬承援例請祀



譚祠

周氏關溪湯趙汴妻夫亾無子貧無立錐地翁姑諭以他適氏咬指滴血以誓不改撫猶子以底於成周貞潤西十七都民周禹靜之女許嫁庠生蕭起繡以丁艱愆期未婚而起繡卒貞潤聞訃有從殉志父母防之密絕粒不食而死

劉氏賀近仁妻年二十三夫歿家無立錐氏以洗緝營食養姑及子並及其幼叔備極艱苦無怨越數年叔長甫能覓館得穀以資餽粥尋以疾卒姑亦抱恨而亾氏告貸族隣殯葬如禮自是家益困又

永新縣志

人物卷八

列女

三十九

越十餘年子壯亦令出館才短而艱於遇積歲無餘貲年三十五尚未有室無何亦以疾卒氏自顧孑然曰吾忍作未亾人凡三十年賴有子在今死且無以謝夫子於地下况覩然於人世乎遂引帶自經鄰媪聞大哭聲輒止啓戶急救乃甦然已奄奄就死矣

左氏源頭龍彌六妻十四歸彌六家貧以女紅佐讀舅姑兩喪相繼拮据不廢禮彌六死氏年二十三誓從地下族人以撫孤慰氏長跪曰婦少兒在抱請爲我經紀田租乃歸依母氏不離左右踰月子



歿氏雖志決而言笑如常未幾遷夫室托他事以招其兄至卽於是夕投繯以殉人初不覺也夫族亦無所累此蓋從容就義與輕生者有間焉

龍氏南宏路尹文潛妻年二十四夫故家貧集蓼甘荼勵志撫孤知縣朱懷棧旌以冰清玉潔現年六十歲

鄧氏拿山張世演妻年二十二夫亾守節食貧自甘惟延師課子以繼夫志子維閭甫八成均以疾卒氏率其媳劉氏同勵清撻當事屢有扁旌現年九十歲

永新縣志

人物卷八

列女

四十一

劉氏拿山國學生張維閭妻年二十四夫亾栢舟自矢孝事孀姑歷數十年如一日訓子有方姆儀不愧子士瓚國學士士璨業儒

羅氏仰山劉世達妻年十六歸世達執婦道甚謹相敬相勉冀其讀書有成甫兩載世達以病卒幼子在抱氏紡績延師夜則一缸熒然自爲課讀雖凄風楚雨之夕未嘗少輟也

朱氏大社劉玉鑑妻年二十五玉鑑以力學遘疾未傳而歿氏觸棺欲殉未得乃禿髮盟志髦姑篤於病衣不解帶及喪殯祭如禮生平荼蓼自甘閉戶



不見人者四十五年卒年七十一

李氏小字潔清拿山張維諒妻年二十三夫亡斷指以誓靡他婦供子職治絲枲奉修髓晨昏罔缺課兒無令與家事寧奏十指以補不給積苦四十二年現年六十有五子瑄邑庠生士珪士瑋業儒

劉氏高橋曾尚俊妻夫亡年二十七誓志不更適括髮布素力持清閨以女紅自給撫其子有成守節四十七年現年七十四歲

郭氏小水李慶裕妻夫亡年二十四裙布搯作艱苦備嘗撫子成立守節四十一年

永新縣志

人物卷八

列女

四

吳氏莊源龍義則妻夫亡年二十六撫姪以繼夫嗣善事舅姑力致甘旨罄或鬻簪珥嫁衣不惜守節三十年現年五十六歲

龍氏規渡張子才妻夫亡年二十二羸衣糲食耐貧守貞稱未亡人四十二年現年六十三歲

胡氏環溪生員尹揆妻夫亡年二十六觸壁破額願從地下以翁姑年邁夫又無出強起撫其姪力貧守節三十七年

吳氏南五十四都龍菁莪妻夫亡年二十三子纔五月堅志食貧誓無他適奉七旬耄姑能盡婦道



周氏斜陂龍人瑞妻夫亾年廿四身有遺腹忍苦守節荼苦備嘗歷三十四載如一日現年五十一歲  
龍氏洋埠鶴頭段維新妻夫亾年二十三事舅姑  
奉修灑教子力學不愧姆儀守節三十年現年五十三歲

周氏洛溝盛竹偶妻夫亾年二十二力貧奉姑人以無子勸其他適乃斷髮誓死以謝自是無敢言者守節四十五年現年六十六歲

戴氏斜陂龍桂成妻夫亾年二十五痛不欲生公姑以養老勉慰氏意始釋飲水茹蘗齒積以奉甘毳  
永新縣志 人物卷八 列女 四十一

撫其子有成守節四十四年現年六十九歲  
劉氏麻田左聞善妻夫亾年二十二撫三月孤兒事兩尊人力持門戶仰事俯育極經營慘淡之勞守節四十一年現年六十一歲

劉氏尹朝任妻年二十一適朝任甫兩月而朝任卒束爨骨立經營喪葬持服四十九日投繯以殉焉  
祀節孝祠

劉氏南株黃雲龍妻龍篤於學不治生產及卒劉年方廿四遺孤煢煢家徒四壁操作勤苦教育其子釋褐乃逝可謂完操子閣舉人爲定遠令贈孺人



王氏大社劉篤雋妻安成進士圖女弟也及笄歸於  
劉不數載而夫卒婦年總廿四家業蕭條薪水無  
供勤苦撫孤教育有成兄圖出仕湖南強接之任  
及調遂辭歸曰妾有先人之廬墓在守之以繼良  
人之志而已諫守節三十六年子嘉德業儒

周氏城西李濬士妻夫夫八年十九撫姪繼嗣守節四  
十一年

黃氏麻田左國幹妻夫夫八年二十二守節四十三年  
現年六十四歲

李氏茅坪睦國對妻夫夫八年二十二守節三十年

胡氏健塘段鄉服妻夫夫八年二十四守節四十六年

甘氏夏洋湯文陣妻夫夫八年二十四守節四十四年  
督學沈公匾旌金石垂範

永新縣志 人物卷八 列女 又四十二

劉氏龍田賀瑤草妻夫夫八年二十三守  
節撫孤四十九年

張氏汶水劉受天妻夫夫八年十九守節三十六年

唐氏嚴娘古竹張蓬妻孝孝養翁姑

王氏唐彥瞻妻古古竹人

段氏竹山尹蘿山妻夫夫八年二十一守節四十一年

王氏三里塘劉觀榜妻

龍氏發關市周定岐妻夫夫八年二十

劉氏龍田廩生賀家謨妻紡紡績撫孤苦節六十六年  
夫人夫人年二十

劉氏欽娘郭坊郭賚賓妻夫夫八年二十五

朱氏大社生員劉垂芳妻守守節六十年孫士瑁邑庠  
生生



尹氏泉塘龍晁升妻 夫八年十八撫孤成立守節三十五年現年五十三歲

汪氏烏石庠生段學呂妻 夫八年二十三守節五十年課子成名邑令張匾旌

龍氏夏幽徐任儒妻 夫八年二十三守節三十五年

王氏紫霧源生員賀萬寶妻 夫八年二十五守節三十五年現年六十歲

段氏成都陳殿任妻 夫八年二十四

尹氏前江埠金俊發妻 夫八年二十四守節三十二年現年五十六歲

龍氏東里長塘陳禹建妻 夫八年二十七

林氏東閣劉之鰲妻 夫八年二十四

吳氏前江埠金士健妻 夫八年二十四

劉氏富頭監生吳甫妻 夫八年二十七守節三十二年現年五十九歲

永新縣志 人物卷八 列女 四十三

劉氏古竹唐繼湛妻 夫八年二十三守節三十二年現年五十五歲

賀氏成都史樹山妻 夫八年二十四守節三十年現年五十四歲

朱氏發關市蔣文彬妻 夫八年二十五守節三十八年現年六十三歲

左氏龍陂灘生員胡宗光妻 夫八年二十四

尹氏文定邦妻 夫八年二十守節四十年現年六十九歲北九都著胡人黎王兩令有匾旌

左氏虹橋彭卜靈妻 夫八年十八守節三十七年現年五十五歲

蕭氏大山橋尹映巖妻 夫八年二十三守節三十二年現年五十四歲

李氏竹山史留青妻 夫八年二十四守節三十年現年五十四歲

劉氏石巷金克賢妻 夫八年二十五守節四十二年現年六十七歲

陳氏淳塘朱錦奪妻 夫八年二十四守節三十六年現年六十歲



彭氏千古洲劉國清妻 夫八十年二十四守節四十四年現年六十八歲

曠氏劉若能妻 夫八十年二十三守節五十七年現年八十歲汶水人

龍氏厚溪劉符六妻 夫八十年二十四守節四十年現年六十四歲

龍氏樟規劉文德妻 夫八十年二十七守節三十一年現年五十八歲

劉氏厚溪周藜生妻 夫八十年二十四

蕭氏厚溪生員周軒妻 夫八十年二十四

劉氏小芙上周軼塵妻 夫八十年二十一守節三十年現年五十一歲

周氏燕山胡儲照妻 夫八十年二十五守節三十五年現年五十六歲

龍氏新田曠梁妻 夫八十年二十一守節四十八年現年六十九歲

劉氏沙田尹長沂妻 夫八十年二十三守節四十年

永新縣志 人物卷八 列女 四十四

李氏古竹唐濟川妻 夫八十年二十五守節三十年現年五十五歲

王氏逢橋左步鄒妻 夫八十年二十五守節三十五年

蕭氏燕溪周嘉議妻 夫八十年二十四守節三十四年

汪氏馬頰洪岐山妻 夫八十年二十四守節三十年

羅氏梅田郭定燕妻 夫八十年二十守節三十年現年五十歲

賀氏泉塘羅鳴盛妻 夫八十年二十守節三十一年現年五十一歲

歐陽氏鍊塘張宗易妻 夫八十年二十七守節三十六年現年六十三歲

劉氏合東左學在妻 夫八十年二十三

馬氏錢市街文樸倫妻 夫八十年二十守節三十二年現年五十二歲

吳氏白土王元音妻 夫八十年二十四守節四十六年



左氏瀨田賀瑚妻 夫八年二十二守節三十五年現年五十七歲

劉氏瀨田賀虞直妻 夫八年二十四守節三十五年

李氏合東左化龍妻 夫八年二十五守節三十六年

朱氏合東左士友妻 夫八年二十四守節五十八年 邑令蔡黎俱給匾旌

龍氏洋溪汪法尼妻 夫八年二十五守節三十六年 現年六十一歲

龍氏關溪梁映千妻 夫八年二十九守節三十年

左氏大岡曾穀容妻 夫八年十九守節三十七年現年五十六歲

史氏梔渡張宗聖妻 夫八年二十四守節三十一年 現年五十五歲

謝氏固塘文鼎黃妻 夫八年二十六守節三十二年 現年五十八歲

陳氏山塘劉方聖妻 夫八年二十三守節三十七年 現年六十歲

永新縣志 人物卷八 列女 四十五

劉氏厚村王世述妻 夫八年二十二守節三十七年 現年五十九歲

田氏橫塘尹蔚妻 夫八年二十七守節五十四年

賀氏關溪劉肴介妻 夫八年二十四守節三十七年 現年六十一歲

左氏三里塘劉觀燦妻 夫八年二十二守節四十三年 現年六十五歲

賀氏汪弘猷妻 夫八年二十四 東溪人

周氏花溪劉成章妻 夫八年二十二

蕭氏大源許廷簡妻 夫八年十九守節四十四年現年六十三歲

賀氏大岡曾聯桂妻 夫八年二十四守節三十六年 現年六十歲

左氏斜陂吳履貞妻

楊氏山田廩生江孔殷妻 夫八年二十七守節四十三年



尹氏荷花塘段之衮妻 夫亾年二十六守節三十二年現年五十八歲

李氏 清塘監生 賀文煥妻 夫亾年二十五

陳氏梅田龍士選妻 夫亾年二十五守節三十六年現年六十一歲

張氏南五十六都賀仲方妻 夫亾年二十六守節三十二年

劉氏赤石橋王藹士妻 夫亾年二十四守節二十一年

周氏洲尾尹修敬妻 守節三十年

湯氏逢橋左漢倣妻 夫亾年二十四

劉氏山田生員江應景妻 夫亾年二十六守節四十四年

賀氏龍田劉斌生妻 夫亾年二十三守節四十六年現年六十九歲

譚氏陳家坊陳邦棻妻 夫亾年二十一守節四十二年現年六十二歲

永新縣志 人物卷八 列女

龍氏環澗尹是誠妻 夫亾年二十六守節五十六年現年八十二歲

劉氏合東左粹安妻 夫亾年二十三守節二十六年現年四十九歲

李氏關北劉映川妻 夫亾年二十四守節三十五年現年五十九歲

周氏黃門坊監生李至麟妻 夫亾年十九守節三十五年現年五十四歲

王氏大社劉長千妻 夫亾年二十七守節三十一年現年五十八歲

歐陽氏沙田生員尹文炳妻 夫亾年二十六

周氏固塘文士趣妻 守節三十年

郭氏泮中李得三妻 夫亾年二十二守節四十四年

段氏龍田劉登皇妻 夫亾年二十一守節四十一年現年六十二歲

龍氏江背李照偶妻 夫亾年二十四守節三十九年現年六十三歲



朱氏沙村歐陽循耳妻 夫亡年二十七子穰庠生

龍驤妻潘氏驤博學能文長於詩畫刻南宮譜忽病

危潘刲股救之延壽六年乃卒 以下賢媛

周氏 歐陽驥之母 楊氏 深坊田心湯詔妻

羅氏 賀星樞之母 龍氏 妙慧 東閩規頭張弘 解妻

陳氏 歐田監生劉志昆 妻二次刲股療夫 張氏 龍方永妻夫病危舍 生代難病遂愈子一

尹氏南里秋陂洪三英妻性柔順能盡婦道三英年

三十餘尚無傳氏力勸娶妾數年連舉三子三英

遂卒非尹早饒樛木賢洪氏之有嗣與否尚未可

知敢期瓜瓞綿綿乎尹自是力持家政撫諸孤皆

永新縣志 人物卷八 列女 四十七

成立嘗幸二妾以針紉所積脩廢塚補橋賑粥廣

行善事為昌後計是亦巾幗中有足風者

李氏城南戴雪如妻夙嫻內則及笄歸雪如鷄鳴盥

漱治粟棗菹醢奉舅姑唯謹迨雪如歿益勤操作

以巾幗而任男子事食旨不苦繁吉凶不廢禮家

政井然教子成立邑令張景齡致扁旌之

朱氏花溪庠生劉廷棟妻操持練達以佐家政庭無

勃礩聲事舅姑備物備志烹飪不假他手教子以

恬早遊庠泮撫庶子如已出人皆賢之

賀氏名桂字秋安龍田人士昌之女也幼聰慧善記



父官於滁積書甚富誦之三年遂得父詩教父曰  
是能續漢書者也惜非男子歸同邑貢士攸縣令  
龍有珠卓有賢操借隱龍溪架樓曰竹隱桂吟咏  
其間繪大士像以爲常課喜臨摹法帖能彈琴十  
三操子科寶領己酉鄉薦爲之刻其詩曰竹隱樓  
集以下才女

賀氏羅娘賴田人詩集散逸僅傳其五七言有白鴈  
天邊小青山雨後多何事燈花頻結蕊功名未許  
到閨中皆佳句惜全集無存

按婦德主柔順而勤儉佐之矜竒炫著者不與焉

永新縣志

人物卷八

列女

四十八

不幸遭家多故變而爲節爲烈慘矣然天之成德  
於人也必極之險虞艱瘁非惟以勵鬚眉卽幽而  
笄幃亦將有以異之舊志吳媛譚趙氏先後稱烈  
其間相觀而善者亦遂不勝書矣

國朝耿氏十八婦咸膺綽楔輝映鄉閭劉氏蕙蓀以  
下白璧無瑕賀氏吳氏遭亂離而不爲強暴汗周  
貞潤以未婚殉非且陽剛於陰柔何决志不回歟  
陳氏二次刲股療夫尹氏李氏朱氏以賢聲著兩  
賀氏以才女名皆得以列女概之夫禾川之水出  
自烏兜合琴亭會勝業經蓉川菱洲東走三百餘



里出郡大江當其翳與草伏土塗不過盈盈二勺  
乃衝崖觸石爲灘爲瀨爲瀧浸長浸大始得穿瀾  
而休焉夫水非柔德哉婦之苦守寒閨不必以輕  
生爲節者亦復如是蓋全遺卵於覆巢口瘖羽條  
以至成育一禾川之沱演瀟灑經百折而爲波瀾  
者也彼偉然稱丈夫者當何如耶